

10394



14. 2. 5. 32

LEGATVS SEV

## DE LEGATIONE

## LEGATORVMQVE

priuilegiis officio ac mu-  
nere libellus.

Ad titulos de Legatione & Legatis in .*¶*. & C.

PHILIPPO HVRALTO VICE-  
comiti *Cheuernio Gallie Procancellario dicatus.*

F. LE VAYER I. C. ET IN  
suprema Curia Aduocato Authore.



BIBLIOTECA NAZ.  
ROMA  
VITTORIO EMAN.



PARISIIS,

Apud Michaëlem de Roigny via Iacobæa sub  
figro quatuor Elementorum.

M. D. LXXIX.

*CVM PRIVILEGIO REGIS.*

DE LEONARDI

LIBRARY

UNIVERSITY OF CHICAGO

1892

1892

1892

1892

1892

1892

1892

1892

1892

1892

1892

1892

1892

1892

1892

1892

1892

1892



PHILIPPO HVRAL-  
TO VICECOMITI CHEVERNIO,

GALLIÆ PROCANCELLARIO AC

NOMOPHYLLACI, F. LE

VAYER, PERPETVAM FOELI-  
CITATEM PRÆCATVR.



**M**ERITO Aristoteles sue ætatis leguleios,  
ac iuris professores reprehendit ( Huralte  
Cheuernia ) utpote qui *ἐν τοῖς* Cua-  
*λαγμάτοις*, & de formulis quæ priuatas  
hominum actiones respiciunt, ad raurim &  
nauseam usque disputarent : Ea verò quæ ad totius reipu-  
blicæ administrationem & communiâ pertinet, pro derelicto  
haberent, nec leuiter quidem aut perfunctoriè, de bello, pace,  
fœderibus, vectigalibus quicquam dicerent. Equidem quod  
Aristoteles de Iuris professione, ac *ἡρώα* dixit, id ipsum  
nos multò Iustius de usu & exercitatione forensi, quam  
*ὀρέει* vocant profiteamur : multos esse videlicet, qui in  
componendis ac dirrimendis priuatorum controuersijs ma-  
gno rei familiaris compendio versentur, paucos qui de re-  
stituenda republica intestinis bellis conuulsa, ac penè prostra-  
ta, in qua plus periculi & laboris, minus utilitatis versetur  
cogitent. Vt nobis verè nunc quasi Iupiter in scena, aut  
quasi alter Epidaurius videaris, qui procillas & hos fluctus  
à ij

componere, mutillumque & lacerum reipub. corpus restituere, pro summa tua doctrina, autoritate & prudentia coneris, accepta videlicet dignitate Procancellarij, cum qua totius reipublicæ clauus tibi commissus esse videtur. Equidem satis laudare non possum summam Romanorum in reipublica administratione prudentiam, qui non cuilibet indiscriminatum, & ut res ferebat, grauissima reipublica onera contulerunt. Sed patitiis, etate prouectis, nec non his qui per leuiiores & medias reipublica dignitates, quasi gradatim conscendissent. Hoc si unquam in Galliis, certè in tua celebri ad procancellariatum designatione ac inauguratione ad unguem seruatum est.

Vt si electione, & communibus omnium non sapientum modò, sed & caterorum suffragiis, Reuerentissimo Cardinali à Birazuo honestam missionem postulanti, successor nominandus fuisset, nullus certè cui iustius hoc munus deferretur repperiri potuisset. Nam si tui generis nobilitatem spectemus, quis illustrior? quis maiorum imaginibus spectabilior? fremant omnes: licet, hoc tamen verè affirmare possum nec vereor vocem exaudiri, nullum esse in Galliis togatum virum, qui tecum generis splendore, & nobilium attauorum multitudine, veniat conferendus. Hoc quam sit verum paullo antè hunc diem satis ostendisti, cum equitibus Sancti Spiritus sua nobilitas publicis tabulis confirmanda fuit: vixit qui non tritanum modo sicuti oportuit ciere, sed ultra heptauum nobilitatem repetere, eamque publicis tabulis comprobare potueris. At etatem tuam nihil moror, quæ plus æquo & plusquam respublica postularet, sese nobis spectandam proponit. Verùm tuam prudentiam, lon-

go rerum usu & experientia confirmatam, tacitus praterire nullo modo possum: Qui (sicuti virtutes omnes sensim crescere solent, & unius cuiusque natura progressu suo perficitur) sic honorum & dignitatum accessione nobilitatus es, vel potius ipsos tibi delatos honores nobilitasti, nullus ut unquam tantum honorum siue varietate, siue amplitudine, consequutus esse videatur. Etenim sicuti ad summa quæque & ardua natus eras tuæ primùm integritatis, doctrinæ, probitatis, in supremo senatu Parisiensi tyrocinium fecisti, non alliter quàm Alcidi in serpentibus suffocandis cum incunisset, fortitudinis exordium fuit. In quo quidē munere, tantum laudis & gloriæ tibi peperisti, tua ut eiusmodi integritas, ac vitæ innocentia, Carolum nonum quem nobis facta inuiderunt, latere non potuerit, qui te ob eam rem, ad se propius accersendum curauit, proposita tibi ea dignitate, qua summos quondam iurisconsultos apud Imperatores perfunctos legimus, vulgò libellorum magistros appellamus. Erat illis temporibus inter Carolum, & Erricum fratrem Andium ducem, nunc verò Gallia & Pollonia Regem nobilis contentio, in deligendis ac conquirendis nobilibus ac literatis viris: Erricus nullum non mouit lapidem ut te, licet Attalicis conditionibus regi addictum, sibi vendicaret & ad se pelliceret: Idque ut consequeretur summam quam habuit dignitatem in te contulit, teque suum Cancellarium nominauit. Quo in munere, tuo semper consilio tum in togata, tum in procincta & palliata militia feliciter usus est. Quinetiam cum nobis à Pollonia proceribus, qui eo nomine huc conuenerant quasi euulsus, ac propemodum creptus esset, te unum selegit cui huius regni spem, quæ eum propter



fratris orbitatem utcumque fouebat, conseruandam daret, cuique negotia omnia seque totum committeret. Eam prouinciam quam fideliter gesseris, quam fortiter sustinueris, quam feliciter administraueris, recens testatur memoria, quæ nulla unquam obliuione sepelietur. Neque verò hic sigillatim recensere volo quid deinceps egeris, quibus dignitatibus & honoribus perfunctus fueris, eas quasi digito notasse sufficiat, nec enim epistola cancellis concludi possent. Etenim Erricus cum primum hoc autum regnum adiit, te in sanctiori & augustiori suo consilio adsciuit, te non modo torquati illius ordinis, quem diui Michaëlis vocant, sed eius quem diuino afflante spiritu sub sancti Spiritus nomine primus instituit Cancellarium ac Nomophyllacem esse voluit: Itidemque Regina multo antea te suum cancellarium esse voluerat. Quinetiam cum reuerendissimus Cardinalis à Biraguo, Cancellarij onere subleuari propter ingrauescentem ætatem postulasset, nullum reperit, tota in Gallia te digniorem, quem regi pro candidato commendaret, cui Lampada & fasces traderet, quémque sibi suffici ac succenturiari mallet. Nec verò defuere totius regni principes ac proceres, qui de te idem iudicium facerent, quique te per literas regi commendarent. Quorum commendatione, vel potius tuis in regem & rempublicam meritis, effectum est, summa ut omnium acclamatione & consensu, Biraguo successor nominarris, & ad augustam Cancellarij dignitatem designareris. Nec verò dissimulem summam in hac abitione reuerendiss. Cardinalis modestiam, & prudentiam eluxisse, qui ad instar M. Antonij philosophi, necnon Diocletiani Imppp. non modo collegam sed etiam successorem querere vo-

luit, quique ubi inclinantem etatem & vires senectute fessas, ac debilitatas sensit adeò ut amplius huic muneri superesse non posset, desinere maluit quam defficere. Sed tamen maior me Herculæ tua virtus (Huralte Cheuernie) qui eam dignitatem quam summi quique ardentè appetunt, tam cunctanter & modèstè accepisti, ut eam alteri non inuidisse, nec ambiuisse, verùm detrectare noluisse omnibus appareat, Quinetiã nihillo magis hoc secuundo fortune flatu intumescis nihillo elatior euadis. Sed mihi solè imitari videris, qui quò altius terris euehitur eo nobis minor apparet. At qui boni omnes viri gaudio, & incredibili latitia quã de tua hac dignitate percipiunt, fermè insolescunt, tu solus quasi alter Cato in floralibus modestiam retines. Quid dicam ipsos senatores in suo Areopago Parisiensi incredibili animi voluptate perfusos fuisse, cum tuæ illis literæ perlectæ, tuumque diploma per quæstorem explicatum est? qui alioquin cæteris in rebus Stoicorum more perturbationum omnium expertes esse solent.

Vix Maturellus tuus patronus, vel tu potius illius, tuas literas recipi, ac homologari postulauerat, cum Barnabas Brissonius aduocatus verè regiùs, id ipsum obnixè postulauit, suæque panegyrica, tam disertè, & eruditè, quid de te sentiret exposuit, nemo ut unquam disertius, ac verius dixisse videatur. Cùmque dicendi finem fecisset, & in sententias itum esset, Senatusconsulto relatum est, tuas literas senatui ratas, gratas, & acceptas esse. Quod si nobilis hic senatorum ordo, eam quam ex tua inauguratione voluptatem percepit, dissimulare non potuit, ne dubites singulos quoque & priuatos φιλοπαίδης, acrius & vehementius commotos fuisse: Ut enim improborum ad opes & honores

promotione optimi quique indignantur, interdúmque vehementius stomachantur: Ita bonorum *ἰντυχία*, prosperúque ac *ἡδονή* rerum successu, boni omnes congratulantur. In quorum album non verebor fratrem le Vayer regis primicerium ac grammateum adscribere, de quo hoc mihi sine assentatione dicere liceat, multos audiuísse me, qui multa de te prædicarent, qui multas tuas virtutes commemorarent, multos qui de supremo hoc honore tibi delato gratularentur, nullum tamen qui maiori studio maiorique contetione, tuam auctoritatem, tuum in rempublicam studium, summámque tuam in reipublica administratione prudentiam contra Philoxenos tueretur, qui tibi ardentius hanc dignitatem expetuerit, eáque adepta tibi magis ex voto & animo gratularetur. Nam quod Alexander alios *φιλοβασιλείας*, alios *φιλλὰ λ'εὐδ'ρῶς* esse dicebat. Itidem scio permultos esse qui tibi dignitatis causa adulentur, longe pauciores qui tuas virtutes debito honore & reuerentia prosequantur, verum fratrem ex hoc paucorum numero profiteri nihil pudet, qui te unice etiam ante hunc delatum honorem coluit, quique te multo ante hoc munere dignissimum prædicauit.

Cuius opinione, & frequenti virtutum tuarum commemoratione, sic commotus & inflammatus fui, hoc unum ut deinceps cogitauerim, meam erga te obseruantiam, meúmque in te studium tibi patefacere, tuúmque mihi fauorem cõcilliare ac demereri: Idque tibi oblato aliquo ingenij specimine ac monumento. Nihil verò cum ex meis vigilliis ac lucubrationibus, satis excultum ingenio, & Elaboratum industria, sese offerret, hunc malui quam nullum, præcocem ingenij fructum, qui de legatione est, legatorumque officio,  
mea er-

mea erga te observantia μνηστωρ prodire, & cum meque  
totum tibi dicare. Quem si grato animo exceperis, magna me  
spes fouet, alios fructus mitiores & suauiores ἐν τῇ ἐπαγγελίᾳ  
ἡλπίας, sub tuo nomine, & auspicijs editurum.

Vale datum Lutetia Parisiorum, pridie calendas Mar-  
tias, anno salutis. 1579.

ẽ.

**N**VNQVAM fuerat in animo (candidè lector) quicquam ex vigiliis, posteritati consecrare, aut saltem in publicum edere (nec enim omnia vitalem genium habēt, libithynamve vitant) siue Horatij consilium sequutus, siue quod nihil me omnium oculis ac conspectu dignum edere posse arbitrarer. Itaque meas omnes lucubrationes postquam amicis aliquot qui literarum studio recreantur legendas ac examinādas tradidissem, & si vel pro amicitia, vel quod ita sentirent eas dignas dicerent, que in publicum ederentur, attamen huc vsque cum blattis & tinæis in musæo eas rixari, quam omniū de me iudicium subire satius esse duxi: multorum periculo edoctus, quam arduum sit omnibus placere, & grata omniū pallato apponere. Sed nescio quo pacto Huralti Cheuernij ad supremam togę dignitatem designationio, ac inauguratio, cōsiliū institutūque meum mutauerit, vt nihil hoc tempore prius habeam, quam huic viro de literis & reipublica optime merito, gratulari, aliquamque meæ erga illum obseruantix testificationem in publicum prodire. Hoc vt præstarem, omnia mea ἀπομνημονεύματα Philosophica & medica cuolui, meas etiam suauiores musas consului, nihil tamen eruditis eius oculis vt nec publica luce dignum reperi. Sed cum in mea iuris aduersaria incidissem cui abiurato medicinæ studio totum me quinquennium



dedi, sese obtulit meus de Legatione Legatorumque officio ac munere libellus.

Quem cum propter subiecti dignitatem, tum insolentiam (nec enim quicquam de legatione legatorumve officio editum esse arbitror) dignum esse ratus sum, sub cuius nomine & auspiciis ederetur. Sed ne mea eiusmodi gratulatio paulo tardior videretur, effectum est ut meus hic libellus precipitanter nimis in publicum prodiret: quem non modò perpollire, sed & multis partibus locupletare in animo fuerat. Quod tamen editione altera huius libelli, qui gallicus propè diem prodibit, abs me quasi altera nauigatione præstabitur. Imperfectam igitur & inchoatam meam operam agnosco, quo mihi cōtra iudiciorum aleam, aliquis ad veniam regressus supersit, & ut omnes intelligant, nondum me obsignatis tabulis egisse. Sic enim Polycletus & Apelles, præstantissimi artifices, sese non fecisse, sed facere subscribebant. Vale.

**I**L est permis à Michel de Roigny marchand libraire iuré  
en l'université de Paris imprimer ou faire imprimer cer-  
tain liure Latin intitulé, De Legatione seu de Lega-  
torum priuilegiis officio ac munere, suyuant le priui-  
lege qui en a esté ottroyé à l'autheur dudiect liure par le Roy  
en son conseil, signé Bossu, en présence de Iacques Hurault  
sieur de Vueil, Conseiller du Roy en son priué conseil, &  
Maistre des requestes ordinaire de sa maison.

Ainsi signé,

LE VAYER.



DE LEGATIONE,  
SIVE DE LEGATORVM  
AVTHORITATE, PRIVI-  
LEGIIS, ET MVNE-  
RE LIBELLVS.

F. LE VAYER IC. ET IN SV-  
PREMA CVRIA ADVOCATO,  
AVTHORE.

DE ELECTIONE AC DE-  
*signatione Legatorum.*

CAPVT PRIMVM

**N**OBIS Legatorum & oratorum mu-  
nera, dignitatem, priuilegia, & vt  
vno verbo dicam, omnes legationis  
partes exponere constituentibus su-  
perfluum ac inane visum est ordiri  
gemino ab ovo, primaque legationis incunabula ex  
veteribus seeculis arcessere: vtpote quo primùm  
tempore, cuius regno aut imperio, qua vrgente aut  
necessitate aut vtilitate legati instituti sunt, aut sacro-  
sancti inter gentes esse cœperunt. Etenim tam acu-  
rata & exquisita disputatio nihil aut parum nostrum  
hoc institutum promoueret: præterquam quod

A



procliue est cuique, ac peruium, Legatos tunc primùm aut non ita multo post institutos fuisse, cum  
*Methodius.* Pandora malorum omnium semina in hunc mundum tanquam in feracem ac bene subactum agrum demisit. Idque affecta iam & propemodum confecta ea ætate quam posterì ob fructuum vbertatem, patrum innocentiam & æuitatem auream dixerunt in  
*Oratius.* qua sponte sua sine lege fidem rectumque colebant, pœna metusque aberant. Ex eo enim tempore oppida molliri cœperunt & ponere leges, vt à poeta dictum est: Alij in alienas possessiones irruere, sibi alios subiicere, imperium detrectantibus bellum mouere. Hinc primam Legatorum & fœcialium originem fluxisse haud dubium est. Etenim cùm hominum generi diuinum illud munus rationis Deus Optimus Maximus concesserit, credibile est homines vbi distincta fuerunt rerum dominia, eaque à vicinis progressu temporis vsurpata, per fœciales & legatos sicuti decuit primùm repetiuisse: Nec nisi propter contumaciam & pertinaciam vicinis bellum mouisse.

*Libro 4.* Quanquam primam Legatorum originem Bello tribuat Isidorus, qui primus duos legatos misisse fertur, quorū alter diceret & enuntiaret, alter verò testaretur cū Poëtæ eandē Pallamedi vt & relinquā militarem disciplinā adscribant. Quinetiā Iosephus à Deo ipso  
*Libr. 15.*  
*cap. 8.* Legatorū originē repetit qui ob id Angelos creauit vt hoc apud se munere fungerentur. Sed hominibus otiosis ac feriatis relegata hac quæstione, vt iliora & huic nostro instituto accommodatiora meditemur. Ordiendum igitur ab electione quandoquidem eli-

gitur antequam mittatur, in quo præstando singulas virtutes in eo qui legati partes sustinere velit necessarias ostendere, ac sigillatim exponere oportebit, subinde huius delecti viri privilegia nobis ponenda erunt, tum bonis auspiciis legatio ordienda, & ad exitum perducenda. In quo præstando nihil eorum prætermittam quæ ex bonorum authorum lectione profecta ad informandum hunc magistratum pertinere mihi videbuntur. Non enim is sum qui tantum mihi arrogem ut quod primum in mentem venerit id legato statim faciendum consulam, aut qui certas leges ac regulas ex libidine & animi sententia tradere velim, verum præcepta ex antiquorum monumentis eruenda, nec non exemplis confirmanda. Nam legatus, ciuitatis, reipublicæ, imperatoris qui eum miserit personam sustinet, publica negotia publico nomine gerit omnes ex æquo obstringit. Itaque qui ei bene consultum velit reipublicæ consulit: Non ergo prauis ac futilibus consiliis illudendus.

Verum enimvero cum legati ex officio publica negotia tractent, vniuersamque rempublicam sine restitutionis spe ac venia constringant: Danda opera est ne quem fors tulerit non cognita aut probata eius virtute legatum designemus: Sed delectus adhibendus, summaque in deligendo cautio: Siquidem & in priuatorum actionibus non cuilibet indiscriminatum negotia committuntur. Sed hominibus solertia, labore & industria pollentibus, nec non longo rerum usu & experientia confirmatis. Quinetiam delectum in legatis designandis adhibendum ipsa nomi-

*videtur  
anpositus  
in π.*

nis descriptio satis indicat. Etenim legati à legendo dicti sunt, quod publicè lecti mitterentur, ut ait Varro. Sicuti præstantes viros etiam egregios & lectissimos vulgo dicimus, & Græci non alia ratione *ἐκκρίτους* *προκρίτους* ἢ *ἀπολείτους* ut obiter etiam moneam alia nominis ratione apud nos Ambassadors dici *ἀπὸ τῆ ἀμβασίας* quod mittere est, ut & eosdem *ἀγέλλους* eadē nominis Ethymo dicere possemus. Sed non ita lectos velim ut qui plus potentia, autoritate, opibus, aut etiam favore apud principem valeat, legatus statim designetur: Alia sunt symbola, aliæ conditiones, aliæ virtutes, quæ in futuro legato ex officio requirantur, utpote morum integritas, eruditio, politeia ac vno nomine & ut paucis multa complectar, omnes animi corporis & fortunæ dotes, actionumque humanarum usus & experientia, sine quibus hoc munus commodè sustineri non potest! Magna hæc quæ requiro etiam prima fronte videntur. At si propius attendas longè maxima sicuti deinceps clarius patebit. Et quæ non nisi in summum multæque ætatis virum cadant. Sed ut à me commodiùs & planiùs ista exponantur, intelligendum est in futuro legato bonorum animi, corporis, & fortunæ, concursum esse debere. Ut que Neocles in vterum matris Epicuri omnes Atomos sapientiæ concurrisse dicebat, Ita in hunc omnes Naturæ rariores dotes conspirasse velim. Cum bona animi dico, virtutes morum in inferiori sede collocatas, ipsosque mentis habitus scientiam, prudentiam, sapientiam, intelligentiam, & artem intelligo. De quibus non necesse habeo plura dicere,

præsertim cum Aristotelis & Platonis monumenta  
 eas vberriimè persequantur & exponant. Quinetiam  
 quod ad virtutes morum attinet non tam in præce-  
 ptis rationumque ponderibus ac momentis concir-  
 stunt quam in actione assiduòque usu quas ob id *ἡ ἀρετή* Epistola.  
*καὶ κατὰ τὴν ἀρετὴν* vocant easque nec doceri nec disci posse.  
 Nonnulli tradiderunt *μη γὰρ ἡ ἀρετὴ τὴν ὅτι πολλὰς χρυσί-  
 πεισιν αὐτὰς αἰσχροὺς καὶ ἐπὶ τὴν ἀρετὴν* Aristotel.  
 Nec magis præcepta morum si- *in Eth.*  
 ne usu & exercitatione iuuant, quam lyppum pictæ  
 tabulæ fomenta podagram, itaque non est huius loci  
 plura dicere. Legati etiam à Latinis Oratores dicun-  
 tur: Sed eloquentia non ex *λαογραφία* quadâ sed ab  
 eiusmodi animi habitib<sup>9</sup>, tanquã ab vberriimo fonte  
 arcessenda, ut pote à multiplici rerû scientia & doctri-  
 na. Memini legere me patrem Eloquentiæ Tullium  
 dicere sollicitum, se non ex strepitu forensi, sed ex Phi-  
 losophicorum scholis, vepribus, & dumetis oratorem  
 euasisse. Hinc Socrates dicere solebat, omnes in eo  
 quod scirent satis Eloquentes esse neque quenquam  
 disertum esse posse in eo quod nesciret; Arque ob id  
 summi quondâ oratores sese Physicis erudiendos tra-  
 didere Pericles, Anaxagoræ, Demosthenes, Platoni,  
 Idem Tullius, Philoni, Diodoro, Possidonio. Ut in-  
 telligant hij qui reges ac proceres circunstant, sola  
 linguæ volubilitate clari nullaque rerum scientia ex-  
 culti, illis non esse hoc munus legationis ambiendum  
 nec obeundum sicuti sapius faciunt non reipublicæ  
 sed lucri potius causâ, verum doctis & eruditis relin-  
 quendum, quibus olim in virtutis & doctrinæ præ-  
 mium magistratus ac dignitates deferbantur, nunc

vero propalam auxionē & quasi voci præconis subiiciuntur. Si mihi hoc in loco eos omnes qui in hoc legationis munere claruerunt recensere liceret omnes intelligerent eos doctrina & eruditione plurimū polluisse, atque hinc summam in dicēdo laudem cōsequutos fuisse. Nihil necesse habeo Carneadem Critolaum, Diogenem quorum doctrina & eruditio nedum eloquentia apud Ciceronem non obscure cōmendatur: Nihil necesse Cynciam nobilem illum Pirrhilegatum, qui Herculis Gallici instar omnium animos facunda & diserta oratione rerumque ac sententiarum pōdere librata, sic quoquo vellet pelliciebat, ut Pirrhus eius opera plures sese vrbes recepisse, quā catafractorum viribus & impetu se penumero gloria-retur. Quid Demosthenē? Quid Vlysem? Quid Nestora? quos non ininus eruditio quam eloquentia cōmendat. Hinc merito Grammaticis & Sophistis legatione interdicitur qui verborum flosculis nulla rerum scientia pollent. Et sanē quisquis sine rerum scientia se disertum oratorem, aut legatum futurum putat, toto quod aiunt aberrat cælo nec vnquā nisi garrulitate & linguæ vollubilitate valebit, temerēque quicquid in buccā venerit effutiet non absimilis Thersiti futurus quē Homerus ἀμετροπῆ ἀπρότομῳσι appellabat λαλεῖν ἄριστος ἀδυνάτω τῶς λέγειν. Sed de eiusmodi loquutis ip[s]isque animi virtutibus plus satis, nunc corporis & fortunæ dotes exponamus.

L. 4. *de excus. int.*

*Julius Gellius.*

*In Legato corporis & fortunæ dotes requiri.*

## CAPVT II.

**N**ihil hic horrida Stoicorum placita  
 moror, quibus sola animi bona verè <sup>Plutar-</sup>  
 bona sunt, cætera ne in genere quidē <sup>chus.</sup>  
 bonorum. Ex quibus hæc absurdiora  
 fluxerunt, sapientem lædi non posse,  
 Cæci exemplo qui apud Pindarum sagittis confixus  
 non sentit, Sapientem deformiorem Tersite, tamen  
 Adonide aut Ganimede venustiore, Sapientem ci-  
 licernium, edentulum, glabrum, rugosum, nihil de  
 venustate perdere, aut dum mendicat Iroque paupe-  
 riore Cræsum aut Crassum oppibus antecellere, &  
 eius generis infinita monstra, quæ tamen in scholis  
 etiam cum applausu recipiuntur. Si cum doctis &  
 eruditis in literario otio noster hic legatus perpetuò  
 versaretur, non hic tantum apparatus tantumque sa-  
 tellitium exigere, solæ animi virtutes mihi instar  
 omnium essent: At in oculis, in ore omnium, & in  
 publica luce versatur, regnum pallatia, forum, comi-  
 tia frequentat, vbi magna ex parte interiores animi  
 virtutes ludibrio habentur, nisi ad eas bonorum cor-  
 poris & fortunæ accessio fiat, sine quibus vt aiunt ip-  
 se virtutes languidæ sunt nec suas functiones luculen-  
 ter exerunt. Non est huius ætatis lacerum & flebilem  
 virum, attamen virtute & doctrina clarum venerari,  
 Phæacum exemplo qui Vlyssæm diu multumq; pro-  
 cellis agiratum, nudum, in suoque littore proiec-  
 tum <sup>Homerum.</sup> multo cum honore prosequi sunt. Hæc ætas solos di-

*Lib. de per-  
fect. orat.*

uites, Cæsaris candidatos, Thrasones ac Holosericanos  
suspicit, vt nemini stomachus moueatur si in legato  
quem vbique locorum angustum & venerabilem  
esse velim, eiusmodi accessoria quæ, vt dixi, hoc tem-  
pore sortem superant, summa animi contentione de-  
siderem. Qui tam rigidi sunt ac terribiles nullam vt tem-  
poris rationem habendam putent, nihilque vt cor-  
poris aut fortunæ bonis tribuant, hoc caput per tran-  
sennam & perfunctoriè prætergrediantur, aut omni-  
nò certè non legant. Non enim sicuti Tullius in suo  
oratore facit, quod in rei veritate, sed quod in homi-  
num opinione versatur mihi considerandum est, ho-  
minibusque sicuti lesbia amissis corporibus, hæc dis-  
putatio refferenda est. Corporis dotes voco sanitatem  
sine qua nihil homini beatum est, vt cæcinit Orphæus  
vt non mirer Metrodorum in prospera valetudine  
hominis fœlicitatem collocasse. Eam ob rem valetu-  
dinariis legationis munere interdico hisque duntaxat  
per me bene sperare liceat, qui animi & corporis con-  
stantes vires habent, qui que omnes externas aëris in-  
iurias ferre sine sanitatis dispēdio possunt, vt non mi-  
rer T. Manlium Torquatum consularem dignitatem  
ob solam oculorum valetudinem derectasse, quod  
indignum diceret sibi vitam ac fortunæ ouium com-  
mittere, qui alienis oculis omnia gerere cogeretur. Ad  
hoc album refferenda etiam est pulchritudo non illa  
muliercularum quam mangonica arte sibi conciliant  
vt pote cerusa aut calamistro quamque permulti cū  
maxima virilitatis iactura mentiuntur, sed ea quæ in  
legitima omnium partium cōformatione est, vt pote  
in



in magnitudine, numero, figura, & situ. Hinc ergo  
 procul monoculi, hinc cæciaut surdi, quibus & iure *in π. de*  
 civili iudicis partes sustinere itemque postulare inter- *postul. de*  
 dicitur. Hinc denique insigni aliquo corporis vitio *in π. de*  
 notati, qui prætoris edicto rehdhibitorij sunt, ne deri- *edilic.*  
 sionis & cachini ausam potius præbeant, quàm quic-  
 quam dignum laude in hoc munere gerant. Præser-  
 tim cum longè plurimi id persuasum habeant, ei us-  
 modi vitia, vitiorum etiam animi inditia esse, omni-  
 nòque Deum Optimum Maximum excelsis menti-  
 bus præclara domicilia architectari solitū, sicuti me- *Disum*  
 tatores itinerum videmus præclara hospitia heroibus *Chrysippi.*  
 signare. Nihil hîc de iusta corporis magnitudine mi-  
 hi dicendum, non hic pygmæi aut gygantea proceri-  
 tate præditi nominatim perstringendi, aut excluden-  
 diveniunt. Nam cum superius iustam omnium cor-  
 poris partium conformationē, pulchritudinem nomi-  
 nauî, ex hoc ordine homunculos ac gygantes remo-  
 ui. Nec verò absurdum fuerit hic aliquid de iusta æ-  
 tate dicere, siquidem alia sunt aliarum ætatum munc-  
 ra, nec iuuenes eodem in munere in quo senes rem-  
 publicam iuuant. Nam vt discretę sunt ætates, ita di-  
 stincti sunt honorum ac dignitatum gradus. Legiti-  
 mam ætatem Iurisperiti dicunt, quę est viginti quin-  
que annorum. Sed illam ad actiones civiles aut ad mi-  
nores magistratus refferunt. Nobis vero legitimam  
 ætatem ad publicas actiones, vtpote ad insignia illa  
 reipublicę munera dirrigentibus, alius etiam legitimę  
 ætatis terminus est collocandus. Nec vereor quidem



ne quis mecum de termino moto agat. Non enim mihi hac in parte fautores, & authores deerunt, qui me hoc crimine vindicabunt. Certū est enim ad consularem dignitatem apud Romanos, nemini aditū paruisse, ante tertiū & quadragesimū annū. Eosque sapius repulsam passos, qui suo anno utpote quadragesimo tertio, hūc honorē petiissēt qui verò paulò serius sine repulsa ad cōsularem dignitatē promotos fuisset. Huic Qu. Fulvio Flacco, & Manalio Acidino cōs. à L. Iulio tribuno pleb. diē dictā legimus quod ante legitimā ætatis consularem dignitatem gererent. Sed hoc certius esse velim, prouectiores ætate ad hoc munus obeundum longe aptiores esse, illud quæ quasi suo iure vindicare posse. Ut non mirer Græcos qui in ἐνοματογενία ac nominum impositione valde admirabiles fuerunt, senes & legatos ἀρεσβύτας eodem nomine appellasse, hoc argumento, quod legati senes esse suoque iure legationem obire debeant. Sicuti olim Romanos suos senatores à senio appellasse scitum est, & Lacædemonij suo senatui τῆς γερουσίας nomen imposuere quod in hunc ordinem, non nisi seniores adoptarentur, sicuti summus author Aristoteles literis prodidit. Quod vero idem author, Lacædemoniorum institutum reprehēdit, quoniam inquit, τῆς ἀγνοίας ὁσπερ καὶ σωματικῆς γῆρας ἔσται, hac iusta reprehensione usus est, quod videret solos deliros senes & repuerascentes in hunc ordinem cogi, quorum mentis acies hebescit, memoria debilitatur, rationisque discursus ut plurimum, hallucinatur. Idque solo organorum

Demost. in  
orat. c. 61.  
ἀρεσ-  
βύτας  
ἐπὶ  
ἐνομα-  
τογενίας.

lib. 2. Po-  
lit.

vitio etenim mens æterna atq; ob id impatibilis ma-  
 net. Cumque sicuti scite Epicharmus *πῆς μωρος ὁρᾷ καὶ  
 ἀκρίβει τὰ δὲ ἀλλὰ κατὰ τὴν ἰσχυρίαν.* Attamen corporeo-  
 rum instrumentorum ministerio indiget, sicuti artifi-  
 ces videmus, vt aliquod opus conficiant. Ego verò *Arist. li.  
 polit. c. 1.* eos senes intelligi velim, qui crudam viridémque se-  
 nectutem attigerunt, quam veteres rebus agendis ap-  
 tissimam agnouerunt, non eos qui emeritis stipēdiis  
 mitti debent, quique iure ciuili muneribus publicis  
 liberantur. Nam vt recte Plinius extrema tempora *l. 2. tit. de  
 excus. iur.*  
 nobis impertiri debemus sicuti leges monent, quæ *lib. 4. epist.*  
 senem otio reddunt. Sic & M. Varro indignum esse *lib. 3. de  
 vita pop.*  
 ait, post quintum gradum ætatis sese publicis nego- *Rom.*  
 tiis immiscere. Nec verò ita morosus, aut ceruicosus  
 esse velim, vt si senes ad hoc munus sustinendum def-  
 ficiant, nihil tamen de rigore deponendum, iuniori-  
 busque omnem aditum præcludendum putem: præ-  
 fertim si naturæ quadam bonitate ante tempus, eas  
 quas dixi animi dotes adepti sint, ad easque cætera bo-  
 na, quasi pro satellitio accesserint. Etenim indignum  
 esset ab Egregia indole progressum annorum expe-  
 ctari. Vt enim precoces fructus qui *ὄφειλοι* appellantur  
 longè celerius maturantur & corrumpuntur. Ita eius-  
 modi ingenia celerius promouentur suâque tempora  
 ocys percurrunt. Hoc consilio complurimis olim  
 propter egregias animi dotes, in reipublicæ admini-  
 stratione a veteribus indultum est.

Etenim Vallerium Coruinum, C. Marium, Scipio-  
 nem Africanum, Pompeium Magnum, Octauium

Augustum, complurésque alios ante tempus consu-  
les factos legimus, utpote tertio & vigesimo ætatis an-  
no cum legitima ætas, ut antea dixi, trium & quadra-  
ginta annorum esset. Quod eo lubentius facio cum  
videam in hoc munere multa perferenda, quæ magis  
sunt constantis & vallis ætatis, quam inclinantis, et tū  
dico, frigus, pruinas, labores, vigillias insolitas, nau-  
igia, naufragas, victusq; vernaculi, nec non aëris subitas  
mutationes, quæ optimā corporis constitutionē affi-  
ciunt, multò magis senem in quo minus est reniten-  
tiæ ac virium. Nec tamē iuuenes mittendos duxerim,  
quanquam olim etiam missos legamus, nostroq; æuo,  
cum ad imperatorem orientis imberbes missi essent,  
cumque indignaretur imperator, quod ad eum ado-  
lescentes quasi in opprobrium missi essent: eorum  
alter intrepidè respondit ex πολυτροπία & vultus  
inspectione, de hominibus & eorum doctrina iudi-  
cium non esse ferendum, hoc si fieret, hircorum quam  
hominum meliorem conditionem fore. Sed tamen si  
ad veritatis calculum tota hæc controuersia subduca-  
tur, non dubium quin forma, quæ ex aspectu corpo-  
ris elucet, in legato sit imprimis necessaria, ac multò  
magis ætas, quæ barbam profert. Si modo verum est  
illud poetæ, Barba viros hirtæ quæ decent in corpore  
setæ. Et tamē præclarè, meo quidem iudicio, cum re-  
publica ageretur, si cum venerandæ ætatis legato de-  
lecti aliquot, & bonæ spei adolescentes mitterentur  
etiam stipendiis regiis, qui exterorum idioma, mo-  
res, instituta edicerent: arces, portus & vrbes inspicere,

rent, in quibus vt in semente posita est spes messis, spes aliqua resideret permittente ætate & legatis senio fessis, eos tædas arduos accepturos, & legati partibus præclare functuros, nec enim placet quod vulgò tamē factitatur cum legatum designari; qui nunquam patriæ lumen egressus fuerit, aut qui totius vitæ spatio sese literis abdiderit, aut qui transuerso duntaxat foro ambulauerit. Sic quondā senatores Romani, liberos senatui assuescebant, eosque in senatum deducebant.

*De fortuna bonis.* CAPVT III.

**S**IN quātumlibet Academicis fortunæ bona, mihi certè in bonorum genere collocanda veniunt, & in futuro legato necessaria videntur. In quorum genere nescio an nobilitatem, quæ vulgò iactatur, referre debeam. Nec me latet veram nobilitatem à virtute tantum à stirpe repetendam. Sic enim Aristoteles alii-  
que complures *εὐγενίας* *δοτὴς αἰετῆς* fluxisse aiunt: Ita-  
que cum de animi dotibus dixi, vna eademque opera de nobilitate dicendum fuisset. Verùm cum nobiles contemporanei, non à virtute, sed à proauorum & at-  
tauorum semine & sanguine, omissa virtute, sua nobilitatis insignia reperant, non abs re ad corporis virtutes generis claritatem reicere potuissem. Nouissimè cum videam proletarios quosque, etiam gregarios & de facie, nobilitatis insignia captare, ea sibi vendicare, quin etiam vsurpando præscribere, eaque aut fauore

*Aristot.  
in ethicis.*

principum, aut honoribus, aut facultatibus parata quæ fortunæ subiacent, cōmodius facturū me duxi, si posteriori in classe bonorū, nobilitatē quæ hoc tempore fermè adulterina est, reiicerem. Si quando natalibus restitueretur, aut quæ hoc tempore exulat post liminiō reuertatur suo loco debitòq; honore non priuabitur.

*Lib. 4.*

Verūm ut Halycarnassæus conqueritur de facilitate qua serui libertatē & ciuitate donabatur, ut pote in præmium rapinarum, stuprorum & lenociniū, postulatque Magistratum aut Censorem, qui quibuscunque de causis vnusquisque aut manumissus, aut ciuitate donatus sit, diligenter exquirat: Eundem Censorem longè iustius hoc tempore desideraremus, qui diligenter vniuscuiusque nobilitatis insignia & stemmata exploraret. Quam multi Deum immortalem exauthorarentur & ordinē mouerentur? Sed tamen nobilissimus quidem futurus est legatus, si eas quas dixi animi dotes habuerit: At quia plus est in hominum opinione, quàm in re ipsa, talem ab omnibus videri & agnosci necessarium, summamque apud vulgus de eius nobilitate conceptam opinionem esse oportet. Etenim principes fermè omnes vbique locorum homines dispositos, ac veluti transfugas habent, quorum ministerio & literis, non modo quid illi geratur, aut quid capteretur consilij resciscant, sed & stirpes eosque omnes qui apud reges, gratia & fauore pollent intus & in cute agnoscant: Ne dicam ipsos nōnunquam indigenas mercede conductos patriam prodere, ipsaque reipublicæ consilia externis princi-

pibus propalare. Ex quo futurum est, vt si legatus obscurus, & non satis perspectæ famæ & illustris familiæ mittatur, qualis fuit Barbitonfor ille quo legato, Ludouicus vndecimus utebatur, paruo quidem in honore ac pretio apud exteros habeatur, suumque legationis finem non facile consequatur.

Maximum enim in persuadendo præiudiciū adfert, concepta de eo qui dicit virtutis, doctrinæ, & nobilitatis opinio, vt ab Aristotele proditū est. Quid *In Ret. ad Theodet.* honores ac dignitates commemorem? sane qui legati personam sustinet, satque superque clarus & augustus est, adeò vt ad hanc dignitatem aliarum accessiōnem fieri non postulem. Ex re tamen erit eum qui mittetur aliàs reipublicæ clauum tenuisse, neque in hoc munere tyrociniū facere, & à dollio, quod aiūt, figulinam auspicari. Superfunt facultates ad conseruandam & retinendam legati dignitatem pernecessariæ. Nec me mouet regia legatis stipendia indici, Attalicasque conditiones proponi, quibus se totamque familiam sustentare, viaticumque curare possint: Etenim multi alij sumptus perferendi, multæ largitiones cum rei familiaris dispendio legatis exercendæ, sine his legatus solus futurus est, sine satellitio, sine comitatu: Etenim Magnatum pallatia frequentantur, & in eorum familiam quisque ardentè adoptari concupiscit, lucri odore, necnon culinæ nidore. Præterquam quod legatorum stipendia aut temporum iniuria supprimuntur, aut rapinis intercipiuntur, aut quæstorum dolo, vel negligentia retinentur, adeo vt

urgente necessitate non suppetant.  
 Nec illud silentio prætereundum, facultatū inopiam  
 ad præuaricandum legatis maximam ausim præbere,  
 ut interim necesse sit legatum turpiter victum queri-  
 tare, aut ad singultum fame enecari, si aliunde faculta-  
 tes non obueniant. Nam ubi rei familiaris angustia est  
 ibi fernè omnia venalia esse solent. Si legato faculta-  
 tes ex voto non suppetant, contra iusiurandum fi-  
 demque principi datam præuaricabit, exterorū prin-  
 cipum munusculis inhiabit, hinc inde lucrum capta-  
 bit, & quoslibet adulatorum more prehensabit, nihil  
 denique prætermittet ex quo se utilitatem perceptu-  
 rum arbitretur. At si legato opes & facultates super-  
 sint, suam authoritatē luculenta festiuitate retinebit,  
 nec precibus nec muneribus mouebitur, sed fidelita-  
 tem iureiurandō promissam, nec non debitum silē-  
 tium ac taciturnitatem seruabit: Veritus ne si prodii-  
 tionem aut præuaricationem admisisse conuincatur,  
 ex iure in eum agatur, eius bona fisco adiudicentur,  
 eiusq; nomen & familia damnetur.

*Legatos inter arma hostium sacrosanctos &  
 inuiolabiles.* CAPVT IIII.

**M**EMINI legere me apud Aristotelem in  
 politicis, Egregios præstantesq; viros he-  
 roū instar ac deorū colendos, omniq; ho-  
 nore afficiendos, utpote qui supra com-  
 munem hominum sortem erecti, in eo statu sint, ut

non



non legibus statutisque obnoxij, sed supra leges ac potius νομοφύται ac legislatores existant. Cuius sententia, si hoc quoque tempore locum haberet, superuacaneum videretur hic legatos sacrosanctos, ac venerabiles ostendere, præsertim cum iam nostrum oratorem virtutibus præditum, cæterisque ornamentis cumulatum reddiderimus, quibus homines plurimum tribuere debeant, eumque iam quasi candidatum & designatum, ad hunc honorem sustinendum habeamus.

Verumtamen, quoniam huius sæculi homines non tantum virtuti quantum Aristoteles tribuunt, virtusque ipsa per se non satis firmis præsidiiis ad arcendam omnem iniuriam fulta est, sed omnium calumniis exposita nisi honorum ac dignitatum præsidio stipata sit, adeo ut plus dignitatibus quam virtutibus tribuatur, consentaneum est nostrum hunc delectum virum legatum nominare quo apud suos & exteras gentes illustrior & augustior appareat. Nec abs re tamen dignitatibus ac magistratibus tantus honor deffertur: Etenim quæ in priuato homine virtutes quasi sopitæ iacent, eadem in magistratu quasi excitæ, Et in edictiori loco positæ, clariùs elucet, summamque sic sui admirationem, summumque amorē excitant: ut non mirer vnum ex Græciæ sapientibus dixisse τὰ ἀρχαῖα ἰσχυρὰ καὶ ἐν δόξῃ. Non secus quam clitellariorum iumentorum robur imposita onera patefaciunt. Hoc ergo vnicuique notum esse velim, legatum siue inter suos siue inter externos, ipsaque hostium tela sacrosanctum inuiolabilemque esse, ut qui eum percusse-



rit, pulsauerit, vel etiam verbo offenderit, (quod non solum de eius persona sed de tota eius familia, vniuersoque comitatu dictum velim) iuris gentium, omniaque humanę societatis iura violasse videatur. Sancti autem vel sacrosancti legati ea ratione dicuntur, qua regis nomen apud Romanos sanctum fuisse à Cicerone dicitur, aut qua ratione muri ciuitatis sancti dicuntur: non à sagminibus quidem, vt vult Marcianus, sed à sanciendo quod punire ac vindicare est. Nam cū ciues non alia via quàm per portas urbem ingredi vel egredi debeant, qui muros ciuitatis transcenderit, violaritque, capite sanciatur plectaturque. Atque ob id fraterno primum maduerunt sanguine muri. Non dissimili ratione qui legatum quoquo modo violauerit puniri debet. Sed quænam pœna irroganda, quodnam ve supplicium de violatore sumendum esset, à veteribus quondam quęsitum est. Quintus quidem Mutius summus Iurisconsultus, cuius domus oraculum ciuitatis vulgò dicebatur, cum eadem de re rogaretur, qui legatos violasset traditione, ac deditio- ne, plectendum respondit, quo legatus suo iure arbitrioque in eum animaduerneret. Quam rationem præfractę veteres Romani tenuerunt, sicuti Marcus Varro, Plutarchus, Cicero, Liuius, Vallerius, compluresque alij tradiderunt. Hinc apud Nonium Marcellum legimus viginti faciæ institutos, vt si cuius legati violati essent, per eos qui id fecissent, quamuis nobiles dederentur. L. Minutius L. Manlius in comitiis legatos Carthaginensium pulsauerant quam ob iniu-

*In orat.  
pro lege  
Manil.*

*in x. tit.  
de rerum  
diuis.*

*in x. tit.  
de legat.*

riam, communi omnium voce ac suffragiis legatis traditi sunt, vt Liuius mandauit. Eandem sententiarum feueritatem Qu. Fabius, & Cn. Apronius ædiles passi sunt, quod Apolloniorum legatos pulsassent, com-  
 meatusque legatis datus, ne dum legationem perficerent ædiles illis eriperentur: Sicuti in primis vrbis Romę cunabulis Tatius, quanquā non impunè, eos qui ob iniuriam Laurentiorum legatis illatam dediti fuerant, extorserat. Iul. Cæsar non modo fœdus cum gal-  
 lis percussum, sed ipsorum etiam legatos violarat, tantam tamque nephariam iniuriam cū senatus relcuiisset, cumque Marc. Cato sententiam rogaretur, vt pro more Cæsar etiamnūm imperator hostibus tradere-  
 tur, censuit, vt in Cæsare Plutharchus commemorat. Nec minus Lacædemonij, legatis contra ius & æquū violatis satisfecerunt. Summus Persarum imperator, suos oratores Spartam miserat, qui concitata seditione, & populo in furorem acto, ad eò tumultuanter oppressi sunt, vt quis vulnerasset aut occidisset non satis liqueret, sicuti per dumeta & densissimas spinas incedentibus, non facile dictu est quænam pupugerit: Imperator ex iure deditionem vrgebat, & violatores ad supplicium deposcebat: Cum Buris & Spertes duo Lacædemonij cædem professi sese vltro pro noxa obtulerunt, & vt pro more traderentur postularunt, quo violatæ legationi hospitalique Deo satisficeret, scelusque perpetratum suo sanguine expiarent. Ex quibus colligere est apud antiquos summo semper in honore legatos fuisse. Quod si aut inscien-  
 ter

*Sibae-  
■ aut li-  
bro 12.*

*Pausanias  
libr. L.*

aut dolo malo, & ex composito, utpote seditione sub-  
orta violarentur, sicuti nihil omni ex parte beatum, &  
ab iniuria tutum est, non modo eos qui misissent sed  
& Xenium Iouem iniurię illatę semper acerrimos  
vindices fuisse certum est. Quod si qui violatę lega-  
tionis scelus expiare, utpote noxę traditione detre-  
ctarunt, sicuti nonnullos pertinacia & obstinatio mi-  
rum in modum detinet, eos semper pœna suppli-  
ciumque consequutum est. Testes mihi sint Sibaritę  
qui cum Crotoniatarum triginta legatos occidissent,  
& ante mœnia insepultos proiecissent, futurę & im-  
minentis calamitatis à Xenio Ioue oraculum accepe-  
runt. Nec ita multo post aut occisi, aut sub iugū missi  
sunt, idem etiam Corinthus testabitur, quę ob iniu-  
riam Romanorum legatis illatam utpote deiectione  
& effusione, L. Minutio consule dirruta est, ut à Poly-  
bio & Cicerone cōmemoratur. Eandem ob causam  
illyricum bellum inceptum est, cui L. Mummius con-  
sul pręfuit. Sic & belli contra Anthiocum, Cn. Octaui  
Romanorum legati Laodiceę perpetrata à quodam  
leptine cędes initium dedit. Sic Megarenses quod  
Anthemocritim feciale violato iure gentium occi-  
dissent, ab Atheniensibus mysteriis prohibiti sunt.  
Sic & eadem belli causā contra Fidenates & Veientes,  
quorum Rex Lar. Tolominus quatuor Romanorum  
legatos occiderat Tullum Cluium, L. Roscium, Sp.  
Manlium, & C. Flaminium, ut scribit Tullius septima  
Philippica & Liuius libro octauo decadis quartę. Sic  
& in sacris paginis, iniuria illata Davidis oratoribus

Ammonitas perdidit, utpote quod eorum vestimentis, barba & capillis partim scissis & disiectis eos ridiculè & contumeliosè remisissent. Sic & apud nos <sup>In apom-  
nimonen-  
mas is Lan-  
gai.</sup> vl-  
ciscendæ legatorum iniuriæ causa multa bella orta sunt. Etenim Franciscus primus eo nomine aduersus Sfortiam Mediolanensem Ducem, necnon aduersus Carolum quintum Imperatorem arma mouit, ut cætera alia breuitatis causa prætermittam. Nec verò minus alacres in beneficiis agnoscendis, quàm iniuriis vl-  
ciscendis veteres fuerunt, ea non tam in legatorum personas quam in rempublicam collocata reputantes. Cuius rei testis locupletissimus nobis erit Thimasi- <sup>Linim.</sup>  
teus quidam Lyparensis qui cum legatos Romanorum è manibus Pyrratarum eripuisset, saluosque & incolumes Romam reduxisset, non modo publico hospitio exceptus, sed cū muneribus publico que iure hospitalitatis missus fuit. Sic & in vrbe Hierico dirreptione totius familiæ Iesabel indultū est, quod Iosue legatos ab iniuria seruasset ut sacræ historiæ monent.

*De priuilegiis Legatorum.* C A P. V.

**A**PVD antiquos dubitatum & anxie disputatum video, an priuilegia præstantissimis viris & de republica bene meritis irrogari deberent: Nam quoniam nos nostraque omnia patriæ quæ in sese charitates omnes complectitur debemus, si quid præclari quod è re eius sit gesserimus, non est quod laboris mercedem

aut honoraria speremus : Id honori ducentes nostro nos erga rempublicam munere probè & gnaviter functos fuisse. Quinetiam cum societas omnis legum & morum æqualitate diutissimè conseruetur, vtpote cum summi atque infimi pari iure iisdem que legibus retinentur dissoluatur verò citissime cum leges aranearum telis similes existunt, certè cum priuilegia legibus obsistant, priuatosque à legum obseruatione soluant, meritò de immunitate nemini concedenda ab Imperatoribus cautum est ipsisque tabularum legibus *Priuilegia ne irrogantor*, vt refert Tullius tertio de legibus. Quam legem multo antè apud Athenienses receptam fuisse colligere est ex Demosthenis oratione contra Timocratem, vbi ex professo priuilegia damnat, quod leges non in singulos sicuti priuilegia quæ priuatæ leges existunt, sed in omnes Athenienses indiscriminatim promulgari debeant.

Verumenimvero quoniam in nobis patriæ amoris igniculi fermè sopiti sunt, seminariaque extincta. Quoniamque nullus est, qui non publica negotia postponat suis, non abs re rerumpublicarum moderatores singulos ad publica onera, & ad de republica bene merendum propositis honorariis ac priuilegiis accenderunt. Scitum est illud Solonis ex quadam Ciceronis epistola ad Brutum duobus potissimum vinctulis rempublicam contineri præmio & pœna vt & illud Democriti apud Plinium, duos omnino Deos esse ac genios reipublicæ optimos moderatores præmium & pœnam. Addendum & illud Antisthenis im-

l. 1. C. de  
immuni-  
tate nem.  
conced.

lib. 2. de  
natu. bist.

minere rebus publicis ruinam, in quibus nullum proborum & improborum discrimen adhiberetur, nullaque aut virtuti merces, aut peccato pœna irrogaretur, sicuti & à Stoïcis præclare legem definitam fuisse, virtutû commendatricem, & vitiorû emendatricem: Quare non inconsideratè multis Senatusconsultis, Imperatorûmque constitutionibus, his qui rempub. magnoperè iuissent priuilegia cōstituta sunt. Quamquam olim non nisi centuriatis comitiis irrogarentur. Quod etiam apud Græcos factitatum esse Demosthenes in oratione *τῆς ἀπὸ τῆς* luculenter exponit. Neque verò quisquam est cui iustius præmia ac priuilegia tribui aut concedi possint, quam nostro huic legato qui infinitis vitæ ac salutis discriminibus reipublicæ causâ sese exponit.

Sed de Legatorum priuilegiis cum suo apud exteras gentes munere fungitur superiori capite dictum est, cum eos augustos & sacrosanctos etiam inter ipsa hostiûm tela probauimus. Indignum verò ac iniquum foret, eiusmodi eos priuilegiis inter ipsos hostiles gladios frui, nulla verò prorsus apud suos à quibus & in quorum vtilitatem mittuntur illis statui: Quare quibus domi priuilegiis gaudeant, siue legationis tempore, siue eadem confecta restat exponendum. Illud verò omnibus qui reipublicæ causâ absunt Iure ciuili conceditur, ut quamdiu suo munere funguntur, iudiciorum aleam subire non cogantur. Sic enim M. Tullius in sua pro Sexto Roscio oratione, & Vall. Maximus legem Memmiam commemorant, quæ eorum

qui reipublicæ causa abessent recipi nomina vetabat:  
 Quod etiam in Pandectis & Codice passim occurrit.  
 Et tamen à nobis vno vel altero exemplo confirmabitur. Etenim Suetonius in vita Cæsaris narrat, cum cum Gallias regeret à L. Antistio tribunoplebis, inter reos delatum fuisse, cuius tamen accusationem senatus reiecit, quod nefas duceret eum, qui reipublicæ causa abesset, absentem de capite fortunisque, omnibus periclitari, eiusque accusationem recipi. Sic author est Cicero, quarta actione in Verrem: Notatum fuisse Cn. Dolabellam & eius arbitrium senatusconsulto improbatum, quod dum prouinciā regeret Philippum Dauum Opuntium absentem, & legatum damnasset. Verremque idem author acerrimè insectatur, quod absentis Stenij nomē deferri passus esset. Sed tamen ne eiusmodi ex privilegiis iure concessis iniuriæ nascerentur, identidem lege cauebatur, ne quis suæ rei legatus esset, utpote in fraudem creditorum, & ad protellendas controuersias sicuti eam legem interpretatur Tullius, quam passim in digestis etiam confirmatam video. Nam ei qui ære alieno ob-

*in π. tit. de legatio.* strictus est legatione interdicitur. Et qui libera legatione abest non videtur reipublicæ causa abesse. Verū tamen eiusmodi privilegium iis qui in gratiam & fauorem reipublicæ absunt damnosum esse non debet. Nam si de eorum vtilitate agatur iuris presumptione nō absunt. Nam eis per negotiatore aut mandatarium acquire, suāque si velint Iura persequi, & vsucapione præscribere possunt, quam nullus nisi à

dic re-

*l. 30. C.  
 86. in τ.  
 de acquir.  
 vel omitt.  
 heraid.*

die reditus & obitæ legationis vsurpare aut interrompere possit. Quinetiam nobis iurisperitorum monumenta euoluentibus, aliud legatorum priuilegium occurrit. Eum videlicet qui legatione functus est intra <sup>in π. de legat.</sup> triennium ad aliud publicum negotium compelli nō posse. Atque etiamnum hoc tempore celebres & eruditi viri, qui legatione functi sunt eadem fermè priuilegia obtinent, quæ & senatores qui in sanctiori regis consilio admittuntur. Quin & legatione redeuntibus & quasi ouantibus senatoria dignitas in præmium virtutis & laborum in illo augustiori & sanctiori regis consilio magna ex parte deferretur.

Illud verò non infimum ex priuilegiis legatorum adiiciam, eos perpetuò quamuis extra imperij fines discurrant libertatem, iusque ciuitatis retinere. Atque ob id etiam apud hostes legare, ac testamentum condere posse, aut ex alterius testamento capere, iusque in filios totamque familiam retinere. Quod aliis fermè omnibus denegatum est, qui simul ac regni fines excesserint, pro mortuis habentur, caputque, libertatem, ac ciuitatem, amittunt, donec iure postliminij ea recuperent, natalibusque restituantur.

*Causa in l. eius qui apud hostes π. qui testam. fac. l. qui à latroni. eod.*

*Quid discriminis, quidve dissimilitudinis, inter obsides & legatos.*

## CAPVT VI.

D



*In Topic.*

VPLICEM veritatis inuestigandæ,  
 & perquirendæ, methodum, nobis  
 Aristoteles summus author tradidit:  
 Vnam quidem, cum res in sese suaq;  
 natura penitiùs contemplamur, per  
 definitionem & diuisionē duo præ-  
 stantissimæ logicę instrumēta. Alteram cum res rebus  
 cōmittimus & ex earū cōtētiōne, quid dissimilitudinis  
 aut similitudinis insit, colligimus vnde rerū differētiæ  
 ac proprietates tanquam ex naturę gremio eruuntur,  
 quarum intuitu veritatem in profundo demersam di-  
 cebat Heraclitus. Vtramque Porphyrius summus Pla-  
 tonicus, in sua Isagoge, & ante eū Plutharchus in suis  
 præstantissimorum viroꝝ paralellis seruarunt. Quare  
 nemo sicuti opinior, hunc nostrum ordinem culpa-  
 bit, si legato superioribus quinque capitibus suis nu-  
 meris ac partibus delineato, cum nunc aliam viam in-  
 gressi, obsidibus ac designatis viris quos vulgò depu-  
 tatos appellant, comparauerimus, vt ex eorum colla-  
 tione, quantū legati cæteris præstent omnibus appa-  
 reat. Etenim prima fronte sola nominis ratio alios ab  
 aliis secernere videtur: Nam obsides delectique viri, vt  
 & legati, ex clarissimis familiis vt plurimū mittuntur,  
 quique cæteris doctrina, autoritate, & rerum expe-  
 rientia pollent, idque totius reipublicæ nomine præ-  
 terquam quod eadē fermè illis priuilegia concedun-  
 tur. Sed tamen si propius, attentiusque despiciamus,  
 multa inter eos discrimina, multasque differentias ag-  
 noscere licebit, quæ nostrum hunc legatum multo

digniore, & ornatiore reddunt. Quod ut luculentius pateat, & ne duos vni committamus, si quidem ne Hercules contra duos, de obsidibus & legatis sigillatim hoc capite dicamus, id ipsumque sequenti capite de selectis viris præstabimus. Prima quidem legatorum & obsidum differentia ex nominis Ethymologia petenda est. Etenim obsides ob fidem datam dicti sunt, omninoque hostibus dantur, ut sint Arrabonis instar. At verò legatus nemini præterquam suo principi sese fide ac religione obstringit. Et quemadmodum in venditionis contractu, si emptor qui annulum dedit pœnitentia ducatur, ex commissoria, vel etiam ipso iure Arrhas amittit: Sic & qui obsides mittunt pactorum & conuentorum causa si ab his defecerint, fidemque datam sefellerint obsides suos amittunt. Adeo ut in eorum caput sequi, & ex iure questionem habere liceat. Quod tamen ius fateor durius & acerbius esse quodque ad iniustitiam propius, quam ad equitatem accedat, si quidem ἀκριβοδία δυσνομία est, & veteres summum ius summam crucem dixerunt. At legatos eam ob rem retinere, iura diuina humanaque reclamant. Itaque obsides si non capite plectantur, ut plurimum pecunia redimuntur: At legati, quia nunquam iure retinentur, idcirco captiuitate, interposito pretio non liberantur, quia etiam in vinculis iure gentium, & ciuili, liberi existunt, nec eiusmodi vincula natalibus efficiunt.

Quinetiam obsides dati, si ante missionem, præscriptumque tempus, ad suos reuertantur, hostibus remittuntur.

in π. de  
capt. &  
postlim.  
reuerſi.  
Dionysſ  
Halycar.  
lib.6.  
T. Limine  
lib.35.

Alexad.  
ab Alex.

tendi sunt, sunt propterea quod, sicuti dictum est, hostibus fidem dederunt, sicuti de Cœlia virgine quæ virili habitu custodes fecellerat, & ad suos transfugerat narratur. Sic & Sp. Posthumus, T. Veturius, Attilius, Regulus, compluresque alij obsides, vel saltem quod hostibus obsidum more fidem dedissent, à Romanis remissi sunt, qui ob id postliminio reuersi non potuerunt videri, vt in Pandectis ex Pōponio traditur. Quin etiã, obsides si ex fuga retrahantur, ex iure capite plectuntur. Sic enim Appio consule, Volſcorũ obsides profugientes retracti, virgis diu cæsi Tarpeio deiecti sunt. Vt & multo post, obsides Tarentinorum eandem ob causam Philca legato eius fugæ conscio & authore pœnas dederunt. At legati, quolibet tempore, etiam infecta legatione, impunè & tuto sese recipere possunt. Nisi si, vt nostro seculo fieri solet, idque propter hominũ diffidentiam & perfidiam, vltro citroque legati mittantur, qui eodem fermè tempore legationem cōficiunt, eodemque momento veniam & reditum impetrare debent. Non sic veteres Romani qui non aliàs, quam cū respublica postularet, suos oratores mittebant etiam si apud eos nulli tunc temporis legatione fungerentur, qui statim exposita legatione de reditu cogitabant. Quem morem etiam nũm hodierno die orientis imperator seruat, qui omnibus omnium legatis aditum præbet, publicaue hospitia, suos vero legatos non nisi re ita exigente mittit.

Hoc verò e-iam inter legatos & obsides discriminis notari potest, quod obsides cum sicuti dictum est

hosti fidem dederint, cumque capite minuti, ciuili-  
 terque mortui sint, certè nec transigere, nec fideiube-  
 re, nec alienis negotiis sese immiscere debent, nec de-  
 nique quicquam tentare, quod hostibus, quorum fi-  
 dei sese commiserunt, præiudicium adferat, alioquin  
 legum seueritati obnoxij futuri sunt. At legati impu-  
 nè quicquid princeps indixerit, perficere possunt. Et  
 enim videre est legatos sæpius mitti, non tam vt ex æ-  
 quo & bono cum exteris negotia componant, quam  
 vt eos dolo bono circumueniant, eis imponant, sub-  
 ditos subornent, & ad defectionem vrgeant: vt lega-  
 ti mutato nomine, veriùs tentatores & exploratores  
 dici possint. Quanquam eos probare non possim, qui  
 legationis pretextu, non hostes modo, sed ipsos etiam  
 confœderatos illudunt, ac circumueniunt. Nam cum  
 multa iure liceant, nescio an viro bono & Christiano  
 licere eiusmodi omnia debeant, cuius omnes actio-  
 nes, diuinis præceptionibus, tanquam lydio lapide,  
 explorandę veniunt. Sed in rerum publicarum admi-  
 nistratione, frustrà religionis Christianę symbola lau-  
 dantur, vbi omnia ex publica vtilitate, imperijque di-  
 gnitate, ac necessitate ponderantur: quod cum sit,  
 iustè & legitimè omnia fieri dicuntur. Sicuti summum  
 huius mundi gubernatorem & opificem non ex ful-  
 minibus, terræmotibus, & chasmaris, sed ex maximis  
 illius erga nos beneficiis consideramus, qui tamen in-  
 diuiduis non parcit, ad speciei & generis propagatio-  
 nem, matrémque sæpius in vitæ discrimen adducit,  
 quo fœtum quem vtero gestat promoueat.

*Præianus  
 l. ii. in π.  
 qui testa-  
 fac. & in  
 l. io. in π.  
 de testam.  
 milis.  
 Maria-  
 in l. qui à  
 latronibus  
 in π. qui  
 testam fac.*

T. Liniu.

Sed fortassè longè etiam satius fuerit diuinam regulam hic non adhibere, sed quid iure gentium, ac civili legatis liceat persequi, quanquam angusta innocentia sit, vt ait Seneca, ad legem bonum esse. Hoc igitur vnum contendo, impunè legatis licere, siue per fas, siue per nephas, quicquid sibi abs principe mandatum est exequi, ac perficere. Quod quidem ex veteribus seculis repetita memoria clariùs euadet. Tarquinij cum ob lasciuiam, & stuprum Lucretiæ illatum, vrbe pulsi essent, legatos Romam miserunt, qui sub specie repetendorum suppellectilium, quæ in vrbe amplissima habebant cum Aquilijs, & Vitellijs, nobilissimis adolescentibus, ipsisque bruti consulis filijs, colloquium haberent, de regibus restituendis, & in vrbem reducendis ac recipiendis: Quid plura? sic legati negotium cōfecerant, vt post multas nocturnas coitiones, adolescentes siue precibus, siue pollicitationibus, corrupti de restituendis exulibus prodendâque vrbe coniurarint: Cum Vindicius quidam seruus totius coniurationis index extitit, machinationemque hanc consuli aperuit, Comprehensi rei ex vinculis causam dicunt, crimen agnoscunt, huius tamen Tarquiniorum legatos authores affirmant, & in eos totam culpam reijciunt. Adolescentes quidem, statim virgis cæsi & securi percussi sunt, Legati verò sine iniuria & offensione remissi, etiam Tarquiniis eorum factum per literas improbantibus, ac damnantibus, quod illis insciis ac nihil tale cogitantibus commissum fuisset. Et certè in illa coniuratione legati non tam peccauerant,

quàm qui prodicionem ac defectionem mandaue-  
rant. Quorum hoc semper proprium ac peculiare  
fuit, prodicionem rectè & ex animo cōfectam, ex post  
facto ratam habere, patefactam verò damnare, & ab-  
iurare, vel vt Cicero disertius, prodicionem amare  
proditores odisse. Sic & Aul. Posthumius, Volscorum  
legatos nulla iniuria affectos remisit, qui sub honestæ  
legationis specie, Romanas legiones exploratum ve-  
nerant, vt Dionysius author est. Neque tamen iure  
prohibetur, sibi aduersus hanc tantam legatorum li-  
bertatem, & authoritatem cauere, Illisque adhibito  
studio, & diligentia, omnes coniurationis occasiones  
præripere. Nam qui bene reipublice consultum vo-  
lunt, cauere perpetuo debent, ne sub hac honesta le-  
gationis specie, & exquisito hoc titulo, quid detri-  
menti respublica patiatur. Quod Romanos factitasse,  
satis eorum monumenta probant. Athenienses quon-  
dam suos oratores Romam miserant, Carneadem,  
Diogenem, & Critolaum, tantæ eruditionis & elo-  
quentiæ viros, vt non sine causa M. Cato, cum in vrbe  
essent reipublicæ metueret. Tantum enim eloquen-  
tia, verborumque lenocinijs poterant, vt his dicenti-  
bus, quid laudandum aut expetendum esset, non sa-  
tis constaret. Quos Cato adhibitis exploratoribus, &  
renuntiatoribus, tam attentè circumspect, vt non  
modo vbi essent, sed quid agerent, vbi cœnarent, qui-  
buscum colloquium haberent rescisceret. Eandem-  
que diligentiam & cautionem Athenienses adhibuis-  
se dicuntur, in excipiendis & obseruandis Persarum

*Dionys.  
Haly. arn.  
libro. 6.*

*Cicero.*

*Aristides  
in panath.  
enais.*


*Demosth.  
in orat. de  
sal. legat.*

legatis, quos ad semultis cum muneribus Xerces in atticam miserat, vt Athenienses ab eo fœdere diuelleret ac distraheret, quod inter omnes Græciæ ciuitates ictum erat. Etenim Athenienses admissos legatos cum suis muneribus remiserunt, adhibito tamen comitatu, & custodibus, qui cauerent, ne eiusmodi legati cum vlllo priuatim colloquium haberent. In hanc sententiam narrat Alexander, Romanos exterarum gentium legatis exploratores dedisse, qui sub specie commeatus, & satellitij, quid consilij captarent diligenter inquirerent. Addit etiam publicum hospitium legatis concessum fuisse, ne in priuatorum ædibus quid in rempublicam mollirentur ac coniurarent. Quod etiam ab aliis factitatum video, etenim Philippus Xenoclidem poëtam exilio mulctauit, quod Atheniensium legatos, suos conciuces & populares, priuati hospitij iure apud se excepisset, vt ait Demosthenes in oratione *τῆς ἐν Ἐλεμπερίᾳ*. Hinc antiquorum publica proxenia & priuata Xenodochia celebrantur. Sicque tota huius mundi securitas ex diffidentia profluit.

*Quid discriminis inter legatos, & selectos viros, siue deputatos.*

# CAPVT VII.

SELECTOS

 ELECTOS viros seu deputatos appello, qui à subditis ad principem mittuntur. Neque enim quotquot mittuntur, quidē rebus ad rempublicam pertinentibus tractent, legati existunt, legatorumve priuilegia obtinent. Neque omnes ciuitates, principes, aut populi, ius hoc legationis retinent, sed hij duntaxat qui ex animi sententia & arbitrio viuunt: Vt non aliud insignius libertatis symbolum haberi possit, quam ius legationis. Ius ergo legatorum mittendorum, illis duntaxat concessum est, qui ex sese, non ex alterius Imperio pendent, quique nullo fidelitatis sacramento adstricti sunt: Nam populi & ciuitates, quæ alterius Imperio parent, non modò ad eum quem principem agnoscunt, cuique fiduciarij ac feudatarij sunt, suis auspiciis legatos mittere non possunt, cum id iure illis non liceat, sed nec ad extraneos sine perduellionis crimine, & læse maiestatis piaculo. Quod ne à nobis cōfictum videatur rationibus & exemplis confirmandum est. Narrat Pausanias Lacædemonios tandem inclinante eorum fortuna, ab Achæorum pubertate deuictos fuisse: Cùmque ab armis discessum esset, & tamen Lacædemonij Achæorum mandata grauiter ferrēt, decem Romanorum legatos in Græciam missos, tanquam honorarios arbitros, qui inter Lacædemonios & Achæos ius dicerent.

Quorum princeps Appius, contra ius & æquum Lacædemonijs ius legationis concessit. Achæis tamen reclamantibus, non licere subditis, ius legationis



habere. Quinetiam post Appij Clodij iudicium senatusconsulto comprobatum, Romani identidem Sulpitium Gallum in Græciam miserunt, dirrimendarum controuersiarum causa, quæ de finibus inter Lacædemonios & Argiuos subortæ erant. Cuius rei totum negotium, totamque cognitionem Sulpitius, Callicrati homini græco delegauit, apud quem cum Ætholi postulassent, vt ab Achæorum consilio seiungerentur, suisque deinceps legibus viuerent, id non modò permisit, sed insuper ius per se & sine Achæorum venia legatos Romam mittēdi. Ex quibus, etiam subditis ius mittendorum legatorum competere, colligeret aliquis, Nisi Romanos in illis arbitriis contra ius & æquum, sicuti multò antè inter Nolanos & Neapolitanos, versatos fuisse constaret: vt videlicet Græcos à Græcis distraherent, Achæorum intensas vires infringere, & sibi in Græciam specie & pretextu legationis aditum patefacerēt. Illos enim nusquam reperias suis subditis ac bello victis, ius legationis indulsisse, aut eorum selectos legatorum instar habuisse. Etenim cum ob leges Agrarias, ingens Romę suborta fuisset seditio, Fuluius Flacco, & L. Gracco, huius seditionis authoribus, cumque à seditionis, & popularibus, ad senatum filius Flacci legatus missus esset, qui pro populo cum patritiis & senatoribus rem totam componeret, ac pacisceretur: Eum Opimius consul, ex decreto senatus pro legato nō habuit, sed comprehensum in carcerem coniici iussit. Nec verò etiam Romani, pro legatis habuerunt quos Spartacus gla-

*Plutarch.  
in Græc.*

*Corn. Tacit.  
lib. 2.*

diator, etiam tribus victoriis clarus miserat, vt nec Tiberius quos Talpharinus, qui collecta maxima seruorum & latronum manu, totam fermè Affricam occupabat. Sic nec Theodosius Orientis Imperator, quos ad sese Iohannes, qui in Occidente Imperium vsurpauerat, legatos misit, pro legatis habuit, sed eos in vincula conijci iussit, causâque amplius cognita in propontidem relegauit. Quid externa commemoro? Nunquid ambosiaca coniuratio huic quæstioni præiudicium attulit, in qua de selectis quibusdam viris, quibus alioqui fides data dicebatur, supplicium sumptum est, ad eò maturè & tempestiuè, vt horum supplicio facinorosi ab armis statim discesserint, in suasque sese prouincias actutum receperint. Nec verò quisquam factum calomnietur, quod fides data (si qua fuerit) etiam hostibus & perduellibus seruanda videatur. Nam si quæ iniuria illata est, ad priuatos pertinent. Sed si ex publica vtilitate, regnique necessitate factum metiamur, iure ac legitimè id factum est. Nobis sanè qui priuatam personam sustinemus, multa intempestiuè, ne dicam iniustè, in reipublicæ administratione committi videntur, quæ tamen si æqui rerum æstimatores essemus, remque totam ad rationis calculum subduceremus, iustè prudentérque facta viderentur. Interdum seueritati locus est, vt cum medici putidum membrum adhibita nouacula rescant, interdum & indulgentiæ, vt cum mitigantibus morbi impetum retúduunt, vt ne acrioribus remediis adhibitis exacerbetur morbus. Atque omnino prout

*Procop. li.  
3. de bell.  
Vandalico.*

reipublicæ tempora postulabunt. Quam cautionem in reipublicæ administratione, antè alios Romani adhibuerunt. Nam M. Antonio etiam perduelli iudicato, Seruium Sulpitium, & alios magni nominis legatos miserunt. Quanquam Cicero, non legationem sed denuntiationem exquisito verbo appellet, paratum videlicet illi exitium, nisi senatui paruisset. Non alia ratione credo, quàm quod eius legiones, animûque à republica alienum pertimescerent, quem si in potestate habuissent, non per legatum, sed per licτόrem salutassent. Sic & in coniuratione Catillinaria, M. Tullius, Crassi, perduellis accusationem non recepit, quamquam re vera conscius esset, ne eum aduersus rempublicam concitaret. Et Cn. Piso cum Manlium Crispum accusaret, nō verò Pompeium, quem tamen criminis authorem cōstabat, cumque Pompeius huiusce rei rationem ex ipso Pisone requireret, Da vades reipublicæ (respondit Piso) te si postulatus fueris, ciuile bellum non excitaturum, iam de tuo prius quàm de Manlij capite iudices in consilium mittam. In hanc sententiam narrat Capitolinus Romanos consilia habuisse tacita, vt si qua vis immineret quæ senatum cogeret humilia capere consilia, in his nec serui publici, nec scribæ, nec quæstores interessent, eamque ob rem fortasse noctu Areopagitæ iudicabant, quamquam Lucianus aliam huiusce rei rationem adferat αἷς μὴ εἰς τῆς λέγοισις ἀλλὰ εἰς τὰ λεγόμενα ἀποβλέποιεν. Et apud Venetos eiusmodi tacita senatusconsulta, cum respublica postulat etiam hoc tempore ha-

bentur. Atque ex his quæ prolixius fortassis dicta sunt, colligere est hoc legatorum & selectorum discrimen. Legatos videlicet à Regibus imperatoribus, rebusue pub. quæ superiorem Cæsare non agnoscunt mitti, atque ob id sacrosanctos & inuiolabiles esse: à subditis verò non legatos, sed selectos: nec tamen aut iure gentium, aut ciuili sacrosanctos, quos comprehendere, in vinculis habere, supplicio afficere, si fascinosi sint, summo iure liceat. Propterea quod subditi naturali fidelitatis sacramento suo principi adstricti sunt. Quanquam æquius fortasse fuerit, ut aditum sic & reditum præbere, ne subditi si non admittantur, in salutis desperationem veniant, aut magis ac magis exarcebatur morbus, si semel eorum selecti viri retineantur. Quinetiam cum M. Tullius Seruij Sulpitij legationem denuntiationem appellat, non obscure innuit, à principibus ad subditos legatos aut oratores non mitti, sed missaticos iuridicos, aut delegatos, qui nuntient, qui de verbis imperatoris aut senatus imperent. Quanquam si legati nomen paulò latius sumatur, sicuti apud probatos authores usurpatur, non dubitem quin legati etiam appellari possint, *in π. de offic. Proconsul.* qua in significatione Proconsules suos habebant legatos, qui eis absentibus ius reddebant, omnesque controuersias componebant. *lib. 2. de bell. ciuil.*

Vnde apud Cæsarem legitur, legatos fiduciariam operam obtinuisse, id est proconsulum vicarios fuisse, ut Budæus interpretatur prioribus annotationibus in Pandectas. Sed de his non est huius nostri insti-

tuti pluribus disputare.

*De officio, & munere Legatorum, deque legationis  
auspiciis. CAP. VIII.*

**N**UNC librum duas in partes digestum esse,  
vel ipsa inscriptio docuit, quæ de legatorum  
priuilegiis ac munere fuit. Iam verò exposi-  
ta sunt quæ ad sacrosanctam legatorum ma-  
iestatem pertinere videbantur. Nunc quod munus,  
quodue officium, illis incumbat videamus. Nec enim  
minus oneris, quàm honoris legato sustinendum. Sed  
quasi æquibalançæ, onus & honos dispensantur. Ve-  
rum in hac officiorum multitudine ac varietate, no-  
bis aliqua ordinis ratio constituenda est, sine qua ex  
hoc oceano, saluis rebus nunquam emergere, & ena-  
tare possemus, Quiquidem ordo, vbi amplissima se-  
ges est, nobis semper propositus esse debet, vt eo sicuti  
Theseus filo apprehenso Labyrinthum euasit) cogi-  
tationum nostrarum mæandros, & anfractus, expedi-  
re & explicare possimus, Nec non animi fœturâ ede-  
re. Superior huius libri pars, eo ordine quem com-  
mendat Aristoteles, quemque præstantissimi autho-  
res seruarunt delineata est. Altera ordine *ἑρμηνεύου* à  
nobis explicabitur, vt quod intentione primum est,  
sicuti philosophi dicunt, executione postremum eua-  
dat. Ponendæ ergo nobis singulæ legationis partes, si-  
ue potius tempora, vt dum eas percurreremus, legatum  
officij ac muneris admoneamus, legationemque sic  
conficiamus.

Scitum est quod ab Aristotele traditur, *ὑπολαμβάνει*

μὲν εἰδέναι τὸ (ὡς) ἔστιν ὅθεν εἰδόμεν ὅτι τίτων ἐκ πέντε ὅστις. Sic nos  
 quid legatio, quodnā ve sit legatorum munus habebimus, si singulas legationis partes eodē ordine quo obeuntur exposuerimus. Et ut medici cū singulas corporis partes per anatomen explicant, earundem vsum & actionem demonstrant. Sic positis legationis partibus, quid in quaque legato ex officio & munere sit agendū generaliter ponemus. Nec enim singula persequi libet, nec si libeat licet, quæ propter infinitatē sub attem non cadunt. Ac mihi quidem quatuor præcipua legationis capita siue partes videntur, quarum prima in accessu, altera in mutuo congtessu & nuntiatione, tertia in negotiatione, totóque eo tempore quo legatus mandata conficere conatur, quatta denique in abitatione & reditu tota versatur, quas sigillatim suóque ordine exponere constituimus.

Verumtamen antequam soluamus, veláque pandamus, de viatico nobis cogitandum est, sine quo legationem auspicari absurdum est, ne sub dio legatus iacere cogatur, nemine nunc amicitiae aut dignitatis nomine hospitia præbente, sed solius lucri cupiditate. Olim quidem cū Iupiter Xenius cœlebatur, in comenatu non erant vsui, aut certē non multū necessaria pecuniæ, vltro patebant hospitia, priuatis priuata, publicis personis, publica, notum enim est, quod de Sybaritis legitur, & de Cymone Atheniensi, cuius prædia omni suppellectile & dapibus instructa, suis popularibus vltro patebant, multáque alia de iure hospitij nota sunt, ad frugalitatem & festiuitatem illius

seculi pertinentia. Quæ indiscriminatim omnibus hoc tempore, etiam monachis, qui Plutonium abiurarunt denegantur. Adeò singulas mundi plagas auaritia peruasit. Legatis ergo si non Attalicæ conditiones, regiæque stipendia proponantur, at certè de publico viaticum constituendum est, quo se suumque comitatû fouere, ac sustentare possit. Nec non dignitatem ac maiestatem conseruare, comparato satellitio. Quod vel maximè externis fortunæ bonis perficitur. Quod si aut reipublicæ penuria, aut quæstorum iniuria, de publico sumptus stipendiæque non tradantur: Quæsitum est an legatus de peculio vel patrimonio legationis onera & impensas sustinere teneatur, an verò sine crimine officio ac muneri deesse possit. Hoc quondam apud Rhodios ancipiti controuersia disceptatû fuisse narrat Cicero libro secundo de inuentione: Nā cum Rhodij legatos designassent, qui reipublicæ nomine apud Athenienses proficiscerentur, cûmque præstita die profecti non essent, statim rei capitalium facti sunt. Vrgebat enim accusator præcepta reipublicæ tempora, præceptas rerum bene gerendarum occasiones idque legatorum negligentia: Tum legati sumptum qui de publico legatis dari solet, à Quæstoribus muneratû non fuisse dixerunt, itaque non suam sed Quæstorum culpam esse: Accusator contra vrgebat, nihil quæstorum culpam ad hoc iudicium pertinere. Suo quemque officio consulere debuisse, nec si illi peccassent, hos peccare opportuisse, nec illorum accusationem, cum horû deffensione coniungendam.

Quod

Quod crimina non relatione, sed vitæ innocentia dil- <sup>l. 5 in π. de pub. ind.</sup>  
 luantur. Si quæstores deliquissent, separatim accu-  
 sandos fuisse, at priuatis potius sumptibus proficisc de-  
 buisse, quàm rempublicam deserere, cui nos nostrâ-  
 que omnia debemus. Præsertim cum legato qui in <sup>l. 7. in π. quod in- insque rin.</sup>  
 publicum sumptus fecerit, in municipales actio detur.  
 Aut certè si facultates non suppetebant, senatum de  
 Quæstorum contumacia docere debuisse, ac prote-  
 stari. Nec verò narrat Tullius quodnam fuerit super  
 hac re senatusconsultum, attamen nostris moribus,  
 quæstoribus stipendia, pecuniasque ad viaticum ne-  
 cessarias, soluere detrectantibus, non ita præfractè ac  
 summo iure cum legatis ageretur, nec vt arbitror ad  
 supplicium deposceretur. Etenim videre est nonnul-  
 los in sanctiori regis consilio ad legationem designa-  
 tos, qui paullò post mutato consilio, tacitè abdicant-  
 tur, quos ob id meritò quæstores non audiunt. Adeò  
 vt reuocatæ legationis tacitum argumentum esse de-  
 beat, quæstorum contumacia. Hoc ergo probatum,  
 vel certè positum esse velim, legatos non propriis  
 sumptibus, sed publicis legationem obire debere, ni-  
 si summa reipublicæ penuria adsit, legato verò amplis-  
 simæ facultates suppetant, quibus legationis onera su-  
 stinere possit. Tunc enim nihil esset quod legatos ex-  
 cusare eorumque culpam pretextere posset, præsertim  
 cum iure ciuili in legatos actio detur, qui patriæ def- <sup>l. 2. C. de legatione.</sup>  
 ensionem ac legationem deseruerunt.



*Quinam & quantus debeat esse legatorum comitatus.* CAPVT. IX.



VONIAM legati iure gentium etiam inter hostes sacrosancti existunt, sicuti iam dictum est, idcirco illis non committuntur triremes, non classes, non legiones, sed tempora, ac voces, ne reipublicę præcipiant tempora, in quibus tota plerumque rerum bene agendarum occasio concistit. Et vt nuntient ac renuntient verè, quę dicta & edicta sunt, sicuti præclare Demosthenes in oratione *de fœderis* tradidit. Verum nonnulli illis committuntur pro famulatio duntaxat, & comitatu, ad tuendam videlicet dignitatem & antestandi causa. Quos tamen exiguo in numero veteres esse voluerunt, quoniam vbi turba magnusque hominum concursus adest, illic nulla adhiberi festinatio ac diligentia potest, quam tamen in legatione obeunda summè necessariam esse constat. Nam primus qui legatis vsus est Bellus, duos duntaxat legationis nomine viros adhibuit, vnum qui diceret, alterum qui antestaretur. Et Lacædemonios vnicum selectum virum, qui legatione fungeretur misisse, veterū monumenta testantur. Quem cum Persarum rex, multis stipatus regni proceribus, cachino excepisset, quod videlicet incomitatus aduenisset, respondit intrepidè, sese vnus nomine, vtpote regis, atque ob id solum & vnicum aduenisse. Verum hoc tempore tantum comitatum legatus habet, quātum familię dignitas poscit, quantumque facultates sustētare, ac fouere possunt. Quin-



etiam permulti volones, virtutis causa propriis sumptibus legatum consequuntur. Sed tamen legato ea in re maxima cautio adhibenda est, maximusque hominum delectus necessarius (præsertim cum iure ciuili de suorum delictis dominio teneantur) nec alios nisi <sup>l. 24. in π de iudic.</sup> probatę ac perspectę virtutis viros admittere debet. Nam si aut sycophantas, aut ganeones, aut litigiosos, secum deducat, quam quæso de se suisque opinionem concitabit? quam difficillè eos in officio ac munere continebit? Sed fortassis non erit absurdum hoc loco quærere, an legato secum vxorem deducere liceat, aut deceat. Quod à nobis ancipiti alea Academicorum more disputabitur, ne quem suggillare aut perstringere videamur, si nostram hac de re sententiam ingenuè proferamus. Ac primum quidem nec decere, nec licere, multę rationes probant. Etenim iure ciuili <sup>passim in π. de reg. iur. de postul.</sup> fœminę ab omnibus officijs, ac muneribus publicis remouentur. At verò si cum viro proficiscantur, legatione quodammodo fungerentur, rei que publicę causa aberunt, quod contra sexus pudorem existit. Quinetiam tanta nonnunquam festinatio ac diligentia in legatione adhibenda est, utpote ne reipublicę pereant tempora, legatus ut viridariis equis ac dispositis cursum conficere cogatur, quem fœmina nūquam consequi posset. Præterea legato ut plurimum dissimuladum, summáque adhibenda taciturnitas, quod mulieres propter insitam cum animi leuitatem, cum linguę vollubilitatem & lubricitatem, præstare nullo modò possent. Vnicum enim aut fermè alterum mu-

liebris taciturnitatis exemplum tanquam portentum posteritati commendatur. At de earum garrulitate adeo plena exemplorum vetustas, nulla ut ætas deinceps conticescere possit. Quid verò rei est fœminis cum legatione, in qua de reipublicæ commodis agitur, nisi quis fortè *γυναικονομίας* vel potius *οχλοκρατίας* introducere velit. Nec vero legatum ita vxorium futurū crediderim, qualem Themistoclem narrat, qui in reipublicæ administratione ex vxoris cōsilio & arbitrio pēdebat, ut nec similem Heliogabalo qui primus matrem sententię dicendæ causa in senatum deduxit. Nam si ipse sibi temperare nequit quin vxorem suæ legationis consciam habeat, quid spei restat cum si res ita postulet, ceteris mutum, & ore obsignato fore. Atqui legato per biennium, aut etiam triennium, extra regni limina commorandum est. Quo tempore quis se contineat, nec veneris illecebris succumbat? Et tamen legato ob adulterium, stuprum, aut incestum minimè parcitur, sed legum seueritati obnoxius existit, in ceteris verò criminibus & delictis quātumlibet illi iure gentium indulgeatur. Nam cum Theodatus legatis Iustiniani adulterium obiiceret, non recusarunt quin ex ea causa in eos iure adinaduertetur, sed falsum crimen esse dixerunt, quod obiiciebatur, ut Procopius libro primo de bello Gotthico memorie mandauit. Sic Megabisi Persarum regis legati, ob lasciuiam & petulantiam occisi sunt, cum adolescentibus muliebrem sexum e mentitis, vim inferre voluissent. Quid verò mirum legatos ob adulterium

*Plutarch.*

*Lamprid.*

*Herodot.*

puniri, cum nec leges impuberibus indulgeant, cumq; *in π. de adul.*  
 reges qui legatis augustiores sunt eo nomine aut occisi  
 aut in exiliū acti sint, ut de Tarquinijs, Posthumio im-  
 peratore, & Childerico Francorū Rege multisque aliis  
 veterum monumenta testantur. Certè legatum ætate *L. lib. 26. ad Sabinum.*  
 prouectum esse volumus in quo iuuenilis ardor, ac  
 vesani amoris impetus deferbuerit. Summus ille iuris-  
 consultus Vlpianus, cum de proconsule quereretur,  
 illi ne liceret vxorem in prouinciam deducere, me-  
 lius esse proconsulem sine vxore in prouinciam profi-  
 cisci respondit. Rectè quidem & sapienter abs Vlpia-  
 no respōsum est, sed tamen paullò post Cotta & Mc- *l. 4. in π. de offic. procons.*  
 falla coll. mulieribus id senatuscōsulto permissum est,  
 licuitque proconsulibus & aliis qui reipublicæ causa  
 aberant, vxores in prouincias deducere. Ea tamen con-  
 ditione & lege, ut si quid vxores eorum deliquissent,  
 quia ad officia proficiscerentur, ab ipsis ratio & vindi-  
 cta exigeretur.

Nec verò dubitem, illis id indultum fuisse, propter se-  
 xus imbecillitatem, ne videlicet absente marito non  
 modo ut Penelope Procos, sed ut Clytemnestra Ægy-  
 stos admitterent. Valere autem debet æquitas, quæ  
 in pari causa paria iura postulat, quare si proconsu-  
 libus licuit equidem & legatis licebit. Quinetiam  
 mulieribus ut viris priuilegia eo nomine concessa  
 sunt. Ac Græci quidem in suis illis celebribus olym- *Procop. lib. 5. de bello pers.*  
 picis ludis, in quibus totius Græciæ concursus fiebat,  
 fœminis pro legatis vsi sunt ut narrat Procopius. Et in  
 primis Romæ cunabulis triginta vitgines sabinæ,

apud Romanos legatione functę sunt.

Veturiaque ac Volomnia matronę apud Coriolanum legationem obierunt. Quinetiam Aul. Vitellio suasore & authore, senatus Vestales virgines ad Vespasianum misit, quę pacem exorarent. Nostriſque temporibus aut non multò ante, nobile illud pacis fœdus, in Cameracensi vrbe iſtum eſt, inter Gallię & Hispanię reges, nec non imperatorem Germanorum, trium reginarum ministerio, quę quasi legationis munere fungebantur. Sed de mulierum legatione plus ę quod dictum eſt, quę nostro alioquin patrocínio non indigent, quęque ſummota omni quam maritis debent reuerentiã plus ſatis imperitant, viriliãque iam munera capeſſunt, vt merito nunc Gallos *γυναικοκρατούμεν* appellare liceat, quod virtutis autę immemores, muliebri imperio fermè regantur. Cum tamen fœminarũ alię virtutes, alia munera, aliãque officia eſſe debeant. Nam vt à viris ſexu præſtantia, fortitudine, rationiſque diſcurſu ſuperantur, ita officiorum varietate, & viciffitudine diſtingantur. Non enim audiendus Plato, qui virorum & mulierum officia confundit, eaſque vt & viros ad militarem diſciplinam promouet. Domestica negotia mulieres quantumlibet tractent, publica vero & quę foris geruntur minime attinguant, ac ne ſi fieri poſſet ædinum limina egrediantur. Nam quod Medea apud Euripidem, pulchrum eſſe dicit ob virtutem conſequendam patria abeſſe, id proſectum abs muliere venefica & profuga, quodque in conſequentiam trahi non debeat. Sed iam illud reſtat, quo-

niam legationis vela soluimus, portumque egressi sumus, legatum per loca consueta, sollicitaque vrbes, cursum intendere debere, non vero discurrere aut errare, amicorum salutandorum, aut arcium, & vrbiū visitandarum causa ne in prædonum aut hostium cautes incidat, ne ve reipublicæ pereant tempora & occasiones, quas recuperare postea non possit. Eā ob rem Athenienses suos legatos quos in Arcadiam miserāt, *Lib. 5 de var. hist.* interfecerunt vt scribit Ælianus, quod videlicet per insolitam viam legationem confecerant. Sic & Romanorum proconsules, cum suas prouincias sortiebantur, & à senatu cum fascibus mittebantur, certos habebant accessus & recessus, eosque terrestres aut maritimos, quos ὁπιδιμάς ἢ χεταπλοῦς Græci appellant, per *in π de offic. proconsul.* quos officij necessitate prouincias ingrediebantur. Vt videre est de Asiæ proconsule qui prouinciā per orā maritimā adibat, metropolimque Ephesum ante alias Asiæ vrbes ingrediebatur.

*Quæ legato præstanda, cum legationem exponit.*

## CAPVT X.

**P**OSTQVAM legatus, quanta fieri potuerit diligentia cursum iterque confecerit, & ad externū principem cuius nomine missus est peruenerit, omnem dabit operam, vt quā ocyssimē legationis exponendæ occasiones nanciscatur, suoque probè munere fungatur. In quo nihil prætermittet diligentia, aut etiam si res ita ferat

*sigismod.  
in histor.  
Moschou.*

pertinacię. Nec tamen illi iustos aliquot dies denegabimus, in quibus vires longo itinere prostratas refficere, munerisque ac officij meminisse poterit. Quamquam minus necesse erat, hac in parte illis consulere præsertim cum plus temporis, quam ipsi quandoque velint, concedatur, antequam admittantur, & audiantur. Non ita veteres Romani, qui certum tempus legatis audiendis dicabant, eosque statim dimittebant. verũ hoc tempore legati magna ex parte statarij sunt, & apud exteros totum quandoque biennium aut eo amplius commorantur. Legatus ergo admissus, cum primũ salutare debebit, ad quem mittetur. Honoris magis & humanitatis quàm fidelitatis causa, quam suo tantum principi debet, utpote cui soli fide, ac religione, obstrictus est. Nec verò imitari Venetorũ legatum, qui Moschouitarum imperatorem, nullo honore, nullaque reuerentia, primo in congressu ac conspectu affecit. Credo quod religionis Christianę hostis infestissimus esset, aut quod contra suam rempublicam arma sumpsisset, quem si salutasset, patriam summittere ac subiicere visus fuisset. Quam tamen ob irreuerentiam, despectumque indignatus imperator, clauo trabali pileum eius capiti assui iussit, ut in hoc statu quandiu legatus esset permaneret, sui que huiusce officij non obliuisceretur. Nec verò factum barbari laudo qui iura naturę ac gentium violauit, ut nec quoque legati imprudentiam vel impudentiam potius dissimulo, qui iura humanitatis & hospitalitatis prætermisit. Hoc enim principes dum sese per suos legatos

legatos visitant, vltro citroq; hoc humanitatis officiū debent, quod in salutatione est, præsertim cum honor honorantem sequatur, sicuti philosophi tradiderunt. Memini Platonem ex tribus humanitatis, siue *Dio. Lact.* φιλανθρωπίας speciebus primum locum salutationi tribuisse. Et in Isocrates in sua Parænetica, demonico inter cætera eam commendat, vtpote humanitatis & urbanitatis plenissimam. Hincque Martialis, dum Rufinum & Pontilianum rusticitatis arguere vult, neminem eos salutare obiicit, ne quidem inuitatos. Pompeius contra laudatur, qui etiam nū imperator totiūsq; orientis victor, tamen ingressurus scholam Possidonij fasces summisserit licτόremque fores percutere voluerit: Nec verò etiam plus æquo humilis aut abiectus sit, *plin. li. 7.* sed suam dignitatem & authoritatem, modestè non tamen ambiciosè tueatur, vtpote in comitiis suum locum & ordinem assumat, nec quicquam de honore sibi delato aut debito, deminui patiatur. Nec verò sufficiat dixisse legato à salutatione auspicandum, non enim in modo salutationis minor cautio adhibenda. At qui leuia sunt isthæc, & indigna in quibus exponendis otium conteramus, præsertim cum operæ ludicræ merces ludicra nobis expectanda sit, cūque gestus corporis qui in salutatione seruandus est à pantomimis & histrionibus magis ediscendus veniat. Leuia sunt certè, addo etiam ridicula, quæ de salutatione dici possunt sed quæ tamen propter consequentiā & euentum, non sint prætermittēda. Demades legatus Atheniensium, quod inter salutandum nimio honore Ale- *Athene lib. 6.*



xandrum affecisset, nimiaque cum reuerentia salutasset vt pote numinis instar decem talēis mulctatus est. Et Dimagoras, quod Persarum regi more gentis inter salutandum adulatus fuisset, Leonte acculatore damnatus est, ita enim minutam Atheniensium maiestatem fuisse, vrbisque decus Persicæ dominationi hac affectata salutatione subiectum. Seruanda igitur legato inter salutandum regni maiestas, & authoritas, quod fiet si legatus neque superbum neque abiectum nimis sese præstiterit, ritūque patrio salutauerit. Eadēque modestia in explicāda legatione vti debebit, non verbis turgidis ad minas & terrorem vt nec humilibus ad preces. Etenim principes contumeliis lacessiti ad iniuriam legato inferendam facillimè prouocantur.

*T. Linim.*

Sic enim Philippus Rex Macedonum, Romano-  
rum legatum contumeliis affecit, quod paullò liberius  
fuisset loquutus. Et M. Anthonius etiam bello victus,  
ac prostratus, Augusti legatum Alexeam, virgis cædi  
iussit, quod intempestiue superbēque nimis dixisset.  
Ipsumque Orientis Imperatorem narrant, de quodam  
Venetorum legato suppliciū sumpsisse, quod in eum  
contumeliosus & iniuriosus fuisset. Sed & Lacedæmo-  
nij legatos Xercis in barathrū, & puteos præcipitarunt,  
quod magnificis verbis, & superba nimis oratione,  
terram & aquam petiissent. Nec verò etiam sycophan-  
tarum & Parasitorum more, tanquam redempti lau-  
datores, ac conducti præcones, legati adulentur, be-  
nevolentiamue captent. Ex quo sequitur nec eos in ex-

ponenda legatione peregrinam, & externam linguam mutuari ac mendicare debere, etiamsi eam caleat.

Nam si Timagoram Athenienses supplicio affecerunt, quod Persico more Persarum Imperatorem salutasset.

Quid rogo fecissent si Persica lingua legationem exposuisset? præsertim cum suo Hellenismo tantum tri-

buerent, ut eos *ῥαπβύρις* arbitrarentur qui Græcè *In epistol. Anacarf.*

idq; Atticæ non loquerentur. Albinū Cato reprehendit quod res Romanas Græcè scripsisset, ipsèque Albinus eo nomine veniā deprecatus est, cum Cato eū veniā deprecari, quam culpa vaccare voluisse respondit.

Quanto ergo magis reprehendendus esset legatus, si suæ gentis negotia, aliena & peregrina lingua exprimeret? suamque sic patriam subijceret? Nam & albinum multæ rationes deffendunt, nulla quæ legatum tueri possit. Etenim Græcatunc temporis, à pluribus legebantur, ut Cicero in Archia confitetur, latina suis finibus exiguis continebātur. Præterea Græcum idioma pluribus negotiis exponendis multò aptius erat, propter vbertatem & amplitudinem. Atque ob id factum est ut & Polybius, Dionysius, Diodorus, Plutarchus, Appianus, Dion, complurésque alij historiam Romanorum Græcè prodiderint. At verò quid est quod legatum exotica mendicantem excusare possit? Nec enim vereri debet ne si vernacula lingua utatur, minùs ab exteris intelligatur. Quàdoquidem Imperatores ac principes fermè omnes suos habent mercurios & interpretes, quorum ministerio singula legationis, capita statim consequantur & intelligant. Hoc

*Iustinus  
lib. 20.*

verò certissimum olim fuit seruitutis argumentum, externa lingua vti, vnde factum est vt Romani cum longè latèque sui imperij fines propagassent, suam vt quoque linguam quantum in eis fuit scitum promouerint. Tanta animi contentione vt Græco sermone Carthaginensibus interdixerint, Ne aut loqui cum hoste, sicuti dicebant, aut scribere sine interprete possent: suosque insuper proconsules præsides, iuridicos, latinè ius reddere omnèsque iuris formulas hoc idiomate comprehendere voluerunt. Cuius rei nonnulla in Galliis restabant vestigia, cum Ludouici Regis duodecimi sanctione prohibitum est, senatusconsulta amplius latinis verbis concipi.

Nec verò ita exterarum gentium idiomata respuo, his vt legatum prorsus spoliare velim. Notum quod de Massinissa, aliisque compluribus polyglottis legitur: non me Hercle minorem in legato linguarum varietatem desidero, vt cum omnis generis hominibus colloquiuri habere, aliorumque consilia resciscere possit. Id verò sufficiat dum legationem exponit, illi vernacula ac natiua oratione vtendum. Nec verò etiam magis patria lingua, quàm patriis vestimentis vti debet. Quibus indutus ab exteris agnosci, multòque honore affici possit. Nec vestitum ementiri debet, nisi si hostium insidias timeat, aut si omnem sibi aditum ad principem externum præclusum esse sentiat. Sic enim quendam Venetorum legatum, induta turcica veste ad imperatorem sibi viam parasse, legationemque ex voto confecisse legimus.

*Quid interim legato agendum cum dimissionem  
expectat.* CAPVT XI.

**N**EC verò sufficiat legato, cum dignitate rerum & verborum legationem exposuisse, nec illi statim salutato principe de reditu cogitandum est, vt canis è Nilo bibit, & cito fugit: Sed commorandum ac conquiescendum, donec responsa ferantur, illique cumulatè satisfiat. Etenim legati munus his duabus potissimum partibus absoluitur, nuntiatione videlicet, ac renuntiatione: ex quo fit vt legatus non minus in reditu, quàm in accessu sanctus & inuiolabilis existat. Sed quoniam foedera, pacisque aut belli leges, quæ magna ex parte apud externos principes legatus tractat, celeritatem ac festinationem non postulant, sed maturum consilium, ex antecedenti deliberatione profectum, idcirco cum legationem exposuit, iustos ac vt ita dicam fatales aliquot dies extero principi concedere debet, in quibus senatum cogere, iudicesque in consilium mittere possit. Quibus elapsis, fortiter vrgebit, ac instabit, ne interim reipublicæ tempora & occasiones intercidant. *T. Livius.* Exemplo Pompeij à Romanis ad Anthiocum missi, qui suaderet vt in gratiam senatus populi que Romani, Ptolomæum Romanorum socium non amplius bello laceret.

Nam cum videret Anthiochum moras trahere, nec sibi satisfacere, ac interim in Ptolomæi fines longiùs grassari, omniâque deprædari ac dirripere, baccillo

in w. de  
orig. iur.

quem manu gestabat, circulum in puluere descripsit, cuius in medio stabat Anthiochus, statumque subiunxit, illi non licere circulum egredi, priusquam populo Romano iusta petenti disertè satisfaceret. Quaindustria & arte, coactus est Anthiocus legiones reuocare, armæque deponere, ne populum Romanum in se concitaret, & ad arma prouocaret. Mittuntur etiam septennumero legati nō modo ut nuntient, ac renuntiēt, verū etiam ut cum exteris nomine publico paciscantur, fœdera ac societates. Quod quam iustis fieri poterit conditionibus perficient, nec aut grātia, aut largitione corrupti, in prauaricationem, patriæque prodicionem turpiter incidant, omininōque quod illis mandatum erit, fideliter exequētur. Nam etsi olim legationum tabulis hæc nouissima clausula apponeretur, *legati præterea quicquid utiliter poterunt agunto*, sit que literis proditum, Q. Mutium Carthaginensibus legatū missum, cum duabus Tessleris, vna pacis altera belli ut quā vellet reportaret, tamen legatus omnem mouebit lapidē, non modò ut quod è republica erit, sed etiam quod sibi præscriptis verbis mandatum est perficiat, ut enim tutela sic procuratio reipublicæ, ad utilitatem eorum qui commissi sunt, non ad eorum quibus commissa est gerenda, inquit Tullius.

Hinc narrat Liuius, legatos Romanorum Tarētum missos publicè laudatos fuisse, quod non modò fideliter mandata exequuti fuissent, sed etiam quod quibus acceperant verbis legationem peregissent. Hoc ergo sibi perpetuò legatus ob oculos ponat, legatio-

nis, negotiorumque gestorum rationem esse rendendam. Quod si in priuatorum negotiis, mandataris tenetur si mandati fines excesserit, quid rogo futurum putamus, de procuratore & negotiatore totius reipublicæ, si fines legationis etiam occasione rei melius gerendæ excesserit? aut si præcipua legationis capita omiserit? Nihil ergo propria authoritate moliri debet legatus, sed omnia ad præscriptam legationis formulam, tanquam ad lydium lapidem referre ac componere. Narrat Gellius quendam Architectona virgis cæsum, quod malum non uti iussus erat, sed tamen aptiorem arietem faciendo Crasso Proconsuli misisset. Etenim P. Crassus Asiæ proconsul cum Leucas oppidum circûsedere & oppugnare pararet, opusque esse firma ac procera trabe qua muros quateret, scripsit architecto, ut ex duobus malis quos Athenis viderat, maiorem ad sese mitteret. Tum Architectus cum rescivisset quam ob rem Crassus malum desideraret, nō maiorem uti iussus erat, sed minorem aptiorem, magisque idoneum arietem faciendo misit, quod factum supplicio, & animadversione dignum Crassus iudicavit. Neque enim occasione rei melius getendæ, ab eius Imperio præscriptisque verbis discedendum fuisse. Cuius exemplo sapiat legatus, nec quicquam proprio Marte, propriâque authoritate, contra præscriptam & conceptam formulam attentet. Nec verò etiam quicquam si potest de formula omitat, aut iniquioribus conditionibus paciscatur. Scitum etiam est de Cn. Pisone, qui cum militem sine commilitone ex

# DE LEGATIONE

comeatu redeuntem damnasset, quod eum interfecisse crederetur, centurionemque supplicio præfecisset, fortè dum ceruicem præbet miles, commilito apparuit qui falso occisus putabatur: Itaque iussit centurio lectorem gladium condere, damnatumque ad Pisonem reducere. Verum Piso non passus est diutius Centurionis oscitantiam, & inobedientiam, itaque tribunal conscendit, crudelissimòque iudicio, militem, commilitonem, ipsumque centurionem damnauit. Te inquit, duci iubeo quia damnatus es, te quia damnationis causa fuisti commilitoni, te quia iussus occidere non paruisti. Crudele quidem & inhumanum iudicium, ut cum Seneca meritò exclamare possim, ô quam solers est iracundia ad fingendas causas sui furoris, excogitauit Piso tria crimina quemadmodum faceret, quia nullum inuenerat.

*Lib. 1. de  
ira. cap. 16.*

*in Vita  
Thucid.*

Sed tamen quod militaris disciplinæ seueritate excusari possit. Quid ergo de legato fieret si quicquam facere iussus non fecisset? cuius contumacia toti rei publicæ præiudicio esse potest? Sic Antiphon, Archemptolemus, & Onomacles, damnati sunt, quod cum legati Atheniensium essent, tamen neglecto legati officio, neglectaque legationis formula, non è re Atheniensium sicuti iussi erant, sed Lacædemoniorum legatione obissent, & iniquis conditionibus fœdus pepigissent, quasi non iam Atheniensium sed Lacædemoniorum legati extitissent. Sed & præuaticatio, atque sordes, præcipua accusationis capita fuerunt, nec eos supplicio eripere potuit, Antiphontis illius nobilissimi oratorum

*In Bruto.*

ris, elegans pro capite & fortunis deffensio, quo nemo vnquam elegantius aut disertius dixit, vt author est Tullius: sed quænam tam diserta oratio esse potest, quæ perfidiam ac præuaricationem legatorum prætexere, ac excusare possit? Etenim præcipua legatorum anchora, corumque tutissimum Asyllum, fidelitas & constantia reputari debet, quam dum religiosè colunt, merito ab exteris & à suis sicuti dictum est sacrosancti habentur. Quam fidelitatem non satis seruasse videtur Methrodorus Mithridatis legatus, qui cum ad Tigranem Armeniæ Regem missus esset, societatis concilliandæ & incundæ causa, vt coniunctis viribus & copiis, bellum Romanis inferrent. Tigranes ipsius Methrodori hac de re consilium & sententiam rogauit. Qui paullò liberius quam legatum decuisset, sese hanc societatem comprobare dixit, pro ea persona quam sustineret, aliàs societatem hanc se non multum probaturum. Et quanquam hominum, consilia non obligent, tamen Metrodorus eo nomine pœnas dedit. Quin etiam tantopere suo principi fide & religione obstrictus est legatus, vt si quid dum missionem expectat subolfaciat, quod cum ad suam legationem non pertineat, attamen intersit reipublice principem id resciscere, certè eius muneri ac officio incombis, ea de re quibus rationibus, & quam citissimè poterit, suum principem certiozem facere. Nam legatus alio nomine, sicuti antea dictum est, tentator & explorator dici posset, cumque ob finem sepius mittitur, quanquã alia honestior missionis causa

*In Bruto.**Plusbarch.  
in Lucullo.*



*L. quisquis  
C. ad l. iul.  
maiest.*

*Lib. 17. bi-  
b. ioh. becc.  
lib. 6.*

proferatur. Multis etiam priuatis, nullóque publico sacramento adstrictis exitum, attulit coniurationem rescisse, eámque reipublicę gubernatoribus non pro-  
palasse, aut principi non reuelasse: non quod eam sci-  
uissent, sed quod non reuelassent. Nā qui ad aliquod  
tempus insidias, ac coniurationem suppressunt, facil-  
lè participes & fautores presumuntur, saltem in supi-  
nam ignauiam latámque culpam incidunt, quæ dolo  
proxima est, & in grauioribus delictis crimen vt à  
Iurisconsultis dicitur. Cuius rei extat nobilis historia  
apud Diodo. Sicul. & Q. Curtium, de Philotta Par-  
menionis filio, qui coniurationem in caput principis  
factam, cum biduum aut certè triduum celasset, de  
more lapidibus obrutus est, eiúsque familia atque  
etiam amici, vix Macedonum legem euaserunt.  
Quod si priuatis conniuentia hæc ac δωροπία nocet:  
Quátò magis legatis aliisq; magistratibus taciturnitas  
eiusmodi & oscitatio dānosa esse debet? Qui sicuti di-  
ctum est, suo principi solenni fide ac iusiurando, ob-  
stricti sunt, quique eo nomine amplissimam mer-  
cedem, honestissimáque salaria & honoraria ob-  
tinent.

*De legatorum in patriam reditu.*

## CAPVT XII.

**S**ED iam plus satis, apud externum principem legationis nomine commorati sumus, nunc verò de reditu cogitandum est, & receptui canendum. Neque enim legatus, aut propter loci amœnitatem, aut aëris serenitatem, aut fructum salubritatem, aut denique propter hominum festiuitatem, diutiùs quàm legatio postulet commorari debet, quàmque aut valetudo, aut res publica patiantur. Vbi ergo singulis suæ legationis capitibus satisfecerit, suoque munere probè functus erit, actutum sese itineri accinget, reditumque conficiet. Verumenimvero quoniam sub hoc tempus, quo de discessu legatus cogitat, illi à principibus externis munera offeruntur, ac missitantur, non erit ut opinor absurdum, hoc in loco de muneribus quæ τὰ ξύγια siue τὰ λαυτήια dicuntur, non nihil disputare, liceat ne legato ea captare, an vero ea omnino aspernari ac reiicere satius fuerit. Non licere quidem, nec decere multis rationibus multorumque exemplis confirmari potest. Nam ut patronus, ab alio quam suo cliente sine præuariicationis crimine honorarium non accipit, utque mulier ab alio quam marito munera captare turpis quaestus atque impudiciæ indicium est, ita legatum, qui ab alio quàm suo principe salaria accipit prodicionis, malæque obitæ legationis suspicionem effugere non posse certum est. Nam ubi cupiditas, & auaritia reperitur, ibi fides & constantia deest: Nec enim acceptio est, sine deditioe, seipsumque dedit prius, cui extraneus dederit: ut pignoris loco acce-

*Xenoph.  
lib. 7. verū  
Græcæ.*

*in Apol-  
theim.*

*Cicer. in o-  
ratione pro  
Roscio A-  
mer.*

ptum munus esse videatur: Quod non nisi proditio-  
ne lui solet. Hoc cum veteres intelligerent, legatorū  
in muneribus capiendis auraritiā seuerissimè vindi-  
carunt. Etenim apud Athenienses Callias, licet pacem  
illam gloriosam cum Persarum rege fecisset. Et Epy-  
crates quanquā populū ē pyræo reduxisset, attamen  
quod legati munera accepissent huic capitale fuit, ille  
quingenta talentis mulctatus est. Sic & Timagoras,  
quod ab Artoxerce auro & argento plenus rediisset.  
In eandēque damnationem incidit Philocrates col-  
lega Æchinis, quod sese à Philippo pecunias accepisse  
non negasset. Nec silentio prætereundum quod nar-  
rat Plutharchus, Apud Corinthios nominatim lege  
cautum fuisse, ne legati munera acciperent. Quam le-  
gem & apud Athenienses ac Romanos sancitam fuisse  
non dubito. Miror magis à decem viris in duode-  
cim tabulas non fuisse relata, nec à Iurisperitis cele-  
bratam. Nisi eodem quo Lycurgus consilio vfi sint,  
qui de parricidiis legem non dixit, ne non tam pro-  
hibere, quam admouere videtur. At certè non est  
probabile, decem viros eam prætermisisse, qui de  
minutissimis & leuissimis rebus leges retulerunt. Aut  
si eam ex composito & ex professo omiserunt, minus  
probabile Romanos in legationibus obeundis, tam  
continentes fuisse, vt non sepe huius legis promul-  
gandę iustissimam occasionem præbuerint: si modo  
eo consilio hanc legem decem viri tabulis exemerūt.  
Etenim ex corruptissimis moribus optimę leges pro-  
manant, vt præclare Demosthenes contra Timarchū.

Itaque facilè crediderim, hanc etiam legem duodecim tabulis adscriptam fuisse, sed quæ temporum iniuria perierit, sicut ex his pauca admodum nobis fragmenta restant, ex Gothorum & Longobardorum incendiis, qui omnia fermè antiquitatis monumenta perdiderunt. Quæ fortassis sub hac verborum formula concepta fuit. Magistratus munera ne capiunto néve danto. Ex qua lex Iulia repetundarû originem habuerit. Nâ M. Æmillio Scauro, dies nunquâ dicta *Val. Max.* fuisset, nec accusatio recepta, quod à Mithridate pecunias accepisse diceretur, nisi in eum lege agere licuisset, præsertim cum id iure liceat quod legibus prohibitum non est. Et Gabinius nunquam exilio mulctatus fuisset, quod Syriæ proconsul à Ptolomæo munera accepisse conuictus fuisset.

Quinetiam C. Rabirius, quod pro Rege sponduisset, suâque fide iussisset, vix eandem iudicij severitatem evasit. Quorum exempla satis confirmât, aliqua lege magistratuû avaritiam cohibitam fuisse, multòque magis legatorum. Ad quos etiam nominatim pertinuit lex Iulia repetundarum quatenebatur is qui *l. i. π. ad* in legatione pecunias accepisset. Eademque hæc legis *l. iul. repe.* severitas, etiamnum hoc tempore, quo omnis belli pacisque disciplina intermortua est, apud Venetos servatur, quorum institutis capitale est legato, in legatione munera contrectasse. Quod suo periculo comprobasset Hermolaus Barbarus, nisi mors antè diem *paulus ioh. nims in Elog.* irrepsisset. Hic enim cum Romæ legationem ageret, & ab Innocentio octavo, in præmium virtutis Epi-

scopatum Aquiliensem accepisset, tacitis senatorum suffragis damnatus est, qui nihil inusitatae eius virtuti extra leges tribuendum putarunt. Sed si tantoperè ab Antiquis legatorum in muneribus capiendis avaritia damnata est, cur quæso tam frequenter classici auctores nobis τα λαντεῖα, & ξένια, τα εὐαγγέλια commemorant? quæ legatis aut donarentur aut mitterentur. Et enim Plutarchus τὰ λαντεῖα deffinit τὰ ξένια πεμπόμενα τοῖς πρέσβευσι. Nam si omnino damnanda sunt munera, atque his legatus abstinere debet, cur ea aut tantopere celebrantur, aut cur tam splendidis titulis ac nominibus insignita sunt? Cumque legati sint quasi publici negotiatores, pararij, & interpretes, quid causæ est cur priuatis negotiatoribus munera proxenetica legibus concedantur, legatis verò muneribus omnibus interdicatur? Certè iudicibus omnibus munera accipere prohibitum est, ne iustitiam vanalem exercere, & ne per sordes iudicare videantur. Attamen ea munera quæ intra triduum consumuntur, illis accipere legibus permissum est. Sicut Imperator Seuerus rescripto proconsulibus permisit munera accipere quæ illis offerebantur, dum prouincias sortiebantur. Hac tamen moderatione ὅτι πάντα, ὅτε πάντα, ὅτε πάντα πάλιν. Nam valdè inhumanum est à nemine accipere, sed omnia & passim villissimum, & avarissimum. Non ergo in totum Xeniiis legatus abstinere debebit, sed modum adhibere, vt neque morosè prorsus abstineat, nec auare modum Xeniorum excedat, vt de Proconsule respondit Vlpianus. Et vt sordidissimum

*I. p. l'ebiscio. de off. praesid.*

est munera ambire & procire, ita inciuile regia munera Diogenis more aspernari, Sunt enim ex hoc genere quæ cum inhonestè petantur, honestè tamen accipi possint. Non sunt enim vt vulgò fertur, reiicienda insignia munera diuinum. quæ mutue inter principes amicitie symbola, regieque liberalitatis monumeta existunt. Sed tamen si quis est qui Curios aut Fabricios simulare velit, vel potiùs imitari, nõ admodum illi succensebo. Immò verò hortor vt Plinium immitetur, qui in causis actitandis, sicuti de seipso testatur, non modò pactione, dono, munere, verum etiam Xenij semper abstinuit. Aut etiam Samuellem qui in suo iudicandi munere ipsis esculentis quæ intra biduũ consumuntur fortiter & cõtinenter restitit.

*L. 6. π. de  
of. procons.*

*lib. 5. epi.*

*Ioseph. lib.  
6. antiqui.*

Etenim munera excæcant prudentes, & subuertunt verba iustorum, vt est in sacris literis. Nunc verò hoc potius legatum monebo, vt statim impetrata venia ac dimissione, reditum perficiat, legationemque renuntiet. Quod quidem præstabit eadem diligentia & cautione, qua illi in legatione auspicanda vtendum diximus, vtpote per loca & itinera stata & assueta, non tortuosa aut auia. Etenim memoriæ proditum, sicut iam dictum est, Athenienses suos legatos in Arcadiam quondã missos interfecisse, quoniã alia via quam qua imperatũ esset profecti fuissent, licet alioquin rectè & ex voto mandata peregissent. Nec verò existimandũ minorem esse legatorum in reditu auctoritatem, minusque esse aut sacrosanctos, aut inuiolabiles. Etenim quod de proconsule habetur in Pandectis cum digni-

*L. vltima  
de offic.  
procons.*

*In decla-  
mat.*

tatem & fasces retinere, donec urbem Romam ingre-  
diatur: Id ipsum de legato verissimè dici potest, qui  
donec retulerit suæque legationis singulas rationes  
exposuerit, sacrosanctus & inuiolabilis existit. Quod  
tamen olim grauissima in controuersia disputatum  
fuisse narrat Fabius. Nam cum legatus quidam, antè  
renuntiationem occisus fuisset, cuius pater paullò antè  
proditionis damnatus fuerat, cumque accusaretur  
reus, quod legatum sacrosanctum occidisset, omniâ-  
que societatis iura violasset: cædem fateri cœpit, sed  
iure id factum asseruit, quod lege cōtineretur, vt pro-  
ditor cum liberis exularet, quòd si intra fines exul de-  
prehenderetur, vt iure occidi posset. Ergo se exulem  
occidisse, non legatum. Nam quod legatus sacrosan-  
ctus esse dicatur, hoc apud perduelles ac hostes ve-  
rum esse, non apud eos qui miserunt. In Italia autem,  
ciuem esse, non legatum. Atque ob id nec ius gentium  
violatum, nec publica deditioe opus esse. Quine-  
tiam damnatione patris filium damnatum, atque ob  
id legatum immò ciuem esse desiisse. Contra verò ac-  
cusator vrgebat, proditoris quidem filium occidere  
licuisse, at legatum non licuisse, præsertim cum reipub-  
licæ interfit, scire quid legatus renuntiaturus sit, crea-  
tum missum esse, & sacramento ad strictum, at nemi-  
nem desinere legatum esse, antè legationis renuntia-  
tionem. Præterea filium patris damnationē ignoras-  
se, vt vt sit prius legatum fuisse, quam pater proditio-  
nis damnaretur. Itaque semper in eo iure mansisse  
in quo respublica iusserat.

Denique







# DE LEGATIONE

de successoris aduentu, per literas admoneretur, quaque die prouinciam ingrederetur.

*l. 10. π. de  
legatione.*

Qua quidem die obuiam ibatur, & de negotiis proconsularibus abundè tractabatur. Quod verò ad viaticum & honoraria legato publicè constituta attinet, de quibus etiam superius dictum est, illo in legatione mortuo, à fisco vindicari non debent, quasi non consecuta causa, sed ad legati herædes, ipso iure pertinet, vt est relatum in Pandectis. Quinetiam legato Cæsaris diem functo, salarium comitibus residui temporis præstandum, modò si non postea comites, cum aliis eodem tempore fuerint vt respondit Papinianus, libro tertio Responforum.

FINIS.









